

四庫全書

集部

欽定四庫全書

集部

梧溪集卷四

詳校官庶吉士臣何道沖

中書臣劉源溥覆勘

總校官進士臣繆琪

校對官中書臣雷純

謄錄監生臣黃熙純

欽定四庫全書

梧溪集卷四

元 王逢 撰

雲山萬重辭

有引

雲山萬重者廣平張民思親之所也民侍父懋夫為
福寧時承命還省祖壠兵興道梗莫克迎養因扁是
名于千山別業以寓陟岵之懷及福寧君歸數年來
而不忍易是扁且徵福建省郎中魏郡秦景容氏補

一作鋪 繹其事秦復為民致書席帽山人王逢以歌詩

請逢辭曰

雲山兮萬重山無雲兮不期而同膠盞輒芴兮夢寐或
通陟彼岵兮焉從親奚在兮在閩王之故封雲山兮千
里山與雲兮紆譎訖虎干戈日尋兮日遠滄瀛瞻彼旻
兮曷已親奚在兮在須女之遐鄙始雲山兮越秦茲雲
山兮主賓幸安全兮來歸感孝念兮精純鼎有鬻兮盤
有鮓松之陰兮山之下嵐霏豁兮空翠晴流素輝兮堪

攬把庶頤神兮葆年寄丹衷兮騷雅

白雲一塢辭

有引

白雲一塢者西域馬公文郁隨所寓之名也公頽然
蒼儼秀潤嘗為潁州著廉斷聲拜南御史會亂遂變
名雲林子黃冠野服超然物外益十餘年矣一日遇
海上逢心知其賢敬美其辭辭曰

白雲兮一塢山之間兮林之下氣鬱積兮常素寒黯流
泉兮愴終古塢之人兮土苴紱組顧潛有鱗兮瞻戢有

羽彼蒙塵兮顛隲茲含光兮延佇諒觸石兮有心龍之
不來兮曷滂其雨

山舟辭

有引

山舟者華亭千山周氏子鏞鎬藏脩之所也鄉貢進
士陸君宅之首為序江浙提學魯道源次焉時規美
至矣延平總管秦景容氏乃為山舟之言曰人知兮
山不可為舟曾不思水載地游又曰山有舟兮不可
以濟龍在野兮孰與治世逢讀而感焉疑焉因矯其

意更補一章詞曰

天有船兮在河潢
檣析木兮柁扶桑
乘剛風兮死氣象
大地兮川梁
君之舟兮虛器
川弗涉兮山是懋
林空人兮積水
白龍森寒兮來下
戲自非聖哲兮莫
濟亂危維德載義
兮姑俟其時
高宗傳說兮遠而
精誠感格兮夢或
見之玉芝兮石髮
瀾駢生兮明月君
採以遺兮慰我心
渴將送君析木之
津兮扶桑之側

漪南草堂辭

有引

漪南草堂者予友葉生杞釣游之所也關京口宦

族有別業淞之吳關大父鏌關隱居好義杞讀

書負材諳前太史楊瑀守建德辟掾關興會進士及

第李國鳳經略南土杞密陳時事十關李嘉關所言

遙授關義副尉鎮江路丹徒縣主簿將別任之而兩

移藩鎮矣杞築草堂魚鱗江上扁曰漪南秘書卿關

泰為序江西提學楊維禎江浙副提學魯淵為詩

予擬楚音二章辭曰

苔碕兮蓬屋魚鱗之漪兮一曲渦盤兮秋谷風舒徐兮
水波縠中青天兮琴滄浪協白鷗兮送黃鵠匪濯吾纓
兮匪濯吾足懷賢其渴兮誓將心沃

紉屨兮布服蓮葉其舟兮魚鱗其屋雲淨兮天開蘋白
花兮草豐綠何曲曲兮鈎鈎鈎當作鈎將恢恢兮網目仁義

是漁兮憺口腹腹不人累兮人誰吾辱

秋風露琴辭

有引

至正己亥得是琴於杭名以表德辭以寫志云爾辭

曰

月明兮庭空援琴兮堂中耳濯濯兮冷風風行兮涼度
月來兮堂阼心湛湛兮零露草綠歆兮鵲鳴木黃落兮
潦清免築場兮婦葺苟庶有享兮粢盛

汎宅辭

滄浪兮獨客自名其舟兮汎宅身大地兮同浮心靈源
兮靡極天高虛兮氣清洒挹星月兮光上下本不狎兮
海鷗素相違兮野馬春一度兮桃花醪漁蠻兮魚社

將歸三首

梧桐生朝陽鳳凰鳴高岡嗟哉羈旅人
彌年獨徬徨非不善趨走玉珮垂雙璜
君侯多車從瞻者亦輝光如何日同游
忽忽我鬢蒼衡茅龍江上免耕妻蠶桑
夜來得家書云當奉烝嘗去去甘貧賤
茵露沾衣裳

盡歡非全交去國難潔名中心默揆量
惟有歸為榮張翰不知幾直待秋風生
陶潛懶束帶千世莫與京故邑變大荒
墳隧走狐麋徘徊久幕下荷戈得無情
天未厭

亂離且復寄傭畊安得周處將從之斬蛟鯨

金洗必以鹽錦濯必以魚越石無晏嬰寧免厄道途我
生千載下乃讀先秦書既非令所貴盍不賦遂初海鳥
集魯門風鷗退宋都麻衣白皜皜青山繞吾廬醉從接
輿歌醒學甯武愚尚愛湖水清臨別更躊躇

馬大沙館舍病後留別陳氏昆季三首

日脚浸深江暮色先著樹回風戀叢薄山

一作幽

響不甞

駐羈人卧齋館邑鬱秋已度十口江之南一飯屢外

一作

回顧冥冥鳥領白眇眇鶴髮素夜久蛟龍移沙洲莽烟霧

開門風欲來衆木斂寒色蔓草緣歧路零露向秋白千金生焦勞斗祿疲形役儵同草木腐何有名教益參旗掛簷間絡緯秋四壁兀坐燈復親孤光委今夕

天空無纖雲銀漢鏡面瀉芒星煜煜動霜氣橫萬瓦尋常恨伊威蟋蟀北牖下青熒樵爨火黃落壙垠野締綌淒以風刀尺念當把家山限一水杭葦不待假薄田庶

有秋雞酒會隣社

避亂綺山謁子方陸先生墓

山舊名啟

我經冷水灣缺月照微服景非度秦嶺事類避同谷松
林深無烟狐兔紛竄伏隆然四尺土卷卷在東麓問是
先生墳感慨逾慟哭洵書失歐陽蕢對多馮宿許韓兩
耆舊許益之韓明善二公時論推鼎足憶過先人廬白駒駐脩竹
周情與孔思小子幸私淑天回晨星稀世亂烽火屬心
言采芳藻中宵不盈掬太玄屬桓譚九歌繼宋玉抱膝

獨長眠披榛忍南逐

遊鯉山

舊名由里山

鄉山三十三遊鯉莫郊南截然獨高大秀拚東諸嵐土
剛蓄炎精厓仄削劍鐔我嘗挹飛翠遠在滄江潭波濤
與伏興雲霧相吐含恍然穆王駕八駿左右駮又如琴
高仙腳踏朝蔚藍久思更徽號新喜遂幽探太白賦九
華後來成美談狂歌繼其武林澗免愧慚春風綠瑤草
秋霜紅石楠行將脩月斤為鑿避世龕蛟龍正格鬪鯢

化誰其堪

次蝦蟆岸

朝辭鳳巢村晚次蝦蟆岸起望大角間太白光有爛方
惟杜陵苦未已崔旰亂髣髴毛掠蝙蝠竹裏鳴鷗鷺同曹
迫憂悸相視名錯喚前途非樂土殊昧賢達算誰家繚
崇垣轆轤卧井榦餘歌久悽惋酣宴同清晏寧知楚幙
烏不寤吳宮燕蕭晨理舟楫回首重悲歎
遊梁鴻山簡孟伯茂巡檢及其子爚

求田泰伯里卜室梁鴻山山雨微洒塵清風滿柴關竟
夕上山氣破曉開蒼烟樹合陰蒙茸磴緣石巘岈桃花
照春空淥酒生紅瀾鶴去瑤池苑來遶青琅玕本非神
仙流得盡霞外觀故鄉久蕪穢何時得生還當時歌五
噫聞者心鼻酸晤言同遊士伯鸞在人間

望大小貢二山

大貢如大人小貢如小臣大人方正笏小臣亦垂紳太
湖七十山而此我所珍清淑萃間氣端厚凝風神嶽露

蓮一朶海偃月半輪遙分馬脊秀近奪蛾眉真岫幌敞
素夕雲蓋擁高晨深容虎豹隱幽絕狐兔隣將軍

山名

雖相望邈若越與秦我行柯村外紫翠忽鮮新不無靈
異栖飛渡招隱淪洶洶白水波杳杳清路塵芳萼被中
沍采之淚盈巾父老昧鑒識謂我諸侯賓我豈諸侯賓
均是天王民

同鄭本初

基

訪吳庠鄭明德教授

元祐

俞叔鉉學

正

鼎

教授留飲齋中是夕雪因相與聯句以紀一

時會盍

中吳泮宮古廣文官舍敬佩於方休誦逢冠帶駢鰓鞅

歲晏雲四合祐雪暮霰交響飛簾勢簸揚基膝六影下

上汙邪畢潔淨鼎块軋周滌蕩若將混端倪逢無復別

封壤颯沓竹末俯祐碎兀木本強漏壺咽銅龍基城圻

卧素蟾冰澌靜膠研鼎顥氣深刺幌香乾芸散帙逢味

永蠶凍益擁褐肩獨聳祐擊鉢技自癢詩盟得寒郊基

茗飲失粗党路迷梁園邈鼎地失程門丈殊憐跼驢背

逢頗快衣鶴氅沈廖度郢曲祐浩漵泛剡漿流風注存

心基叔世入紆想戍遙輟瘵苦鼎野曠爪牙攘好音懷

鷗臬逢怪物絕魍魎願追文正躅祐不辭慶厯黨層薨

度諸經基直道擴羣枉新知春蘭藹鼎舊游曙星朗謙

虛側臯比逢欲寡賤熊掌張燈初筵秩祐舉爵朋酒饗

黃羞登俎柑基白薦作羹鱠叙齒先一飯鼎探錢罄餘

帑清宜禪僧分逢瑞許賢守賞螟蛉殄無類祐來牟熟

有象陰褰天光發基陽復履道長高視吞八九鼎獨立

配叅兩幸敦君子交再極尼丘仰

逢

青青孤生麻

青青孤生麻不假蔭松柏貞莖瘁蓬藿物性還自直汝
州曹彥可大字擅鄉國蛟龍出笑談雲烟濕牆壁強逼
書旗號怡然別親識心正筆不回骨冷血化碧日落河
岱迴野史實我職事傳奏太常四座為變色瓦全一時
幸玉碎千古惜端人何地無安得環轍跡

葛虛中丹房雨

一本有生字

遲劉衷道士

仙都十日雨濕蒸致微疾憑几問金丹掃地焚蒼术蝸
行亂州上鶯隱嘉樹密不見劉崇虛蕭齋坐捫虱一作膝

故禮部侍郎古括范公挽辭

公諱

關

字君澤辛酉卒年七十有四

鳳凰無凡雛麒麟無凡駒鳴岡

一作岐

與產渥必待天人

孚侍郎唐相

履永

後括譜遠通蘇

與文正公同系

父

一作甫

晬服

斬哀母孫訓以儒長授父祕易律歷百氏俱宋亡邑弗

靖徒步謁索多

元帥名

計聽魁就戮田里釋千俘世皇既

召見神采動玉壺賈晁不世遇京管並駕驅嘗謂國修
短乃繫帝賢愚暴虐亡羸秦仁義治有虞衆貂製裘帽

八珍繼醍醐

一作酥

宮炬金鑄蓮禁地青為蒲恩光去天

一作裁

尺所器嘉言謨一薦十七人乘遽將臨吳夢母報

已烈戴星戒歸途抵閭如其夢孝感驚妻孥江南范秀

才名自九重呼大用本天意小史應時需

謂除編修

鑿鑿正

統論歷歷編年圖

時相欲以本朝繼金為正統公倡一
言金興宋中而前亡不可繼也

一作

媚

者雖得沮士擬古董狐成宗御六龍萬象新洪爐超遷

五品貴兩省垂範模

除浙江西提學

屢倒張中丞

珪

手握徹

大夫

理

儀曹試經濟政府匿瑾瑜遠引卧雲壑獨潔辭

潢汙繭室客暮醉鯉庭子朝趨

謂公幼于成

笑命說三禮脩

然竟長徂北風日云涼繞樹莫匪烏屏營獸居野盛德

仰在予族貧均家財兵亂全姊軀何幸覽遺稿追招

一作

挽為操觚

故南臺治書侍御史劉公挽辭

公名貞字庭榦晚號知止翁辛丑年卒壽七十三

鄙夫昔避兵船居虎丘畔注懷臯伯通受知劉公幹賓

禮甚倒屣自享非大案顧惟陋白茅期以藉玉瓚于時

屬州陷

常熟

守將病無算袂分裁信宿城破及黎旦承

佩都漕章躬先於越竄卻缺義救鄭張耳尋降漢載紆

東浙籌不忝宗臣晏朝廷簡勛舊省憲望改觀始懲蝮

螫手終如鼻脫絆

公嘗任浙東南臺侍御史以劄直自見因劾奏大臣為朝廷所譴故云

八閩假遊遨花明天機段慢峰露浸范鏡水雨徐渙決

老歸善里脩逝神不亂惟公家益都先世彭城貫冰槩

操清苦厓壁氣魁岸故吏記石畫列郡服山判駸駸蕭
曹業吐吐顏柳翰駸歷四十年進退符易彖幾多固名
位桎梏死獄犴少挹賢達風足免赧恧汗青徐隴尚隔
霜霰物屢換蓬深仲蔚居地冷中散鍛安貧庶全生酹
酒重三歎

故秘書卿宣城貢公挽辭

公名師泰字泰甫號玩齋

公為天使時弭節大江北上以祝帝釐下以訪幽側邦

侯首予薦遂命屏榮戟身先萬人禮緣重三生石君山
視吹臺酣遊小八極詩厠李杜間文入班揚列家貧及
親老臨別深惋惜既自持節還奔波殆如織退然不求
進牛衣方偃息熒惑犯歲星蝦蟆瞰明月折箭河水清
揮戈烽火隔震澤定逾年中原平一日帝曰嘉汝勲
公辭不堪後詩書化斥鹵清慎奉王國賤跡何足稱
常恐瘵厥職阮籍任放曠邴原病剛直蠅驢信可依
鵬鷁各有適豐城張華劍柯亭蔡邕笛此物甘棄材志

士感精識青宮念師傅宣室思討益不意狂風加圖書
寂東壁南湖墓木拱鹽海甥館開雲車從空來鶴語聲
惻惻安得公降庭為碑表先德

公嘗許撰先
庫使墓

故遂昌先生鄭提學挽詞

處士星夜明先生生嚴州

關

伯氏目漁菟筆

繡絲五色花樣從驢求器大晚始成兩壁東諸侯

謂太尉張

公蹇予謝通顯客隱琳宮

關

偃儀杖履聲關過話舊遊

幼遷西湖學淳祐餘前脩

關

間

絃歌繼觥簫甲科趙期頤

關

衣躬樞隅覽姑蘇

臺遂成賈胡留克莊

廉使

幣遠至兼

關

禮逾優

家立四壁寒身視二頃秋健兒俗

關

儒時贅瘤而

父我所銘儻死思我酬涼日照銀杏風鶴層雲頭罷酒

一笑別仰俯歲忽周超超鄭玄邁

關

浩休緬憶分

教日示藁雪燈篝聯軒孝義什磊落數名流

關

行世未

能詩挽淚莫收鬱鬱石門山故隴阻且悠

曾祖克宗西川經畧使祖

開先知道

橘霜淨屋洞劍虹光虎

關

好驂子

關

柳

待制柳轡遠拉虞

文清虞公集

黃

文獻黃公潛

輶超然地下樂邈

矣塵中憂

故江淮

一本有財賦府三字

副總管致仕彰德路同知章公

挽詞

公諱元澤字吉甫晚號歸來翁已酉生八十五卒

大盈合吳淞古鎮夾龍鶴

二江名

公承郇國裔

宋文簡公得象

甲

舍聯碧

一作里

落十七職將命

謂首擢中書宣使

萬里同納約

周王舊轍環彷彿跡馬脚稍遷和林部爭識炎方鷄區

脫罷章程留犁挽醍酪煌煌日月袞岩

一作岩

絲綸閣

鳴鶯落花間及茲壯遊樂書從親所至每句輒應諾丞相以孝聞三命日舞躍千艘貢滄瀆別乘過鄉郭憶飛

湖山雲民蘇江淮瘼庭闈累封郡昆弟四擔爵垂老告

老歸鞠脰奉如昨五福世獨備盛事天畀作義莊羅縻

榆鬢宮麗丹雘

公建清忠書院

孤臣楊艾

一作文

載慷慨生死託

故侯踵青門耆英尚東洛急促弦衆斷貞固金自若憶予避地初霖潦船久泊矚書借場圃田畷為悚愕感公

遣使候張具厚非薄及見契一言匣劍砥礪鍔不圖授

葭莩

予娶文簡公從父團練使文彬十一世孫女公為文簡公十一世從孫

遂忘羹藜藿

大兒娶甥女

兒掖娶汪月山宣慰孫女公之甥女也

奠鴈殊中雀嗚呼公

云亡客淚濺素幙河陽遠巡狩海上掀颶鱷房杜遺後

悲榮名掛寥廓

故南臺侍御史周公挽辭

公諱伯琦字伯人號玉雪坡真逸壽七十一

周公

一作氏

饒望族自宋世德茂長林卧麟岡山脈萃芝

秀篤生侍御公猶馳在天廐襁抱器大父

振山先生

青佩齒

國胄諸經內淪浹百氏旁研究鸞鳳暫枳栖鴛鴦尋羽
蓬冰銜十職館相府六衣繡薦掌西曹兵兩聽南垣漏
灤京侈篇翰海嶽肅籩豆太子端本時古傳躬口授遂
致問龍寢罔或爽雞候江東遭亂去吳下為時救非同
使尉佗常存諭廷湊時將臣寓公垂白竟拂袖朝廷整
風紀堅志起不復嘉魚兼蓴菰小塢矗岩岫短巾杖琅
然消搖几心嚙齊雲樓始燬承露盤既覆新亭對泣暮

錦衣獨歸晝祿賜無贏金鄉飲惟醇酎含淒歌黍離委
順正丘首孔戣真伯仲張綱孰先後逢也楚狂人頻年
展良覲拙詩序高文家訓贊大籀楷書河清頌儼若臨
九奏興來赫蹠賤往往法急就數謂麋鹿姿合置文王
囿桑樞原憲貧飯顆杜陵瘦有懷感長笛無才傳耆舊
玉雪梅花坡寒盡想春透脩脩豹尾車昨夢過圭竇朔
庭烟草豐靈其祐巡狩

送丘阜之江東省大姑臣節婦同上海廣福寺講

主璜石壁南阜道院姚草樓外史賦 二詩附

船頭柳條碧船底魚尾赤寡姑斷徽音老父同胞憶父
扶五尺藜姑垂雙鬢絲何況乳養恩在子年甞時子行
為姑壽烏鵲期回首毋使老萊衣淹濕長干酒

青絲驪色駒秣陵慰長姑姑孀三十年於義母不殊
嚴君聰郎去躬奉雙白苧外表貞素姿中紉離憂緒
姑感親親情報之玉珮珩遊子雅不好前多狹邪道

右璜
賦

丘郎一幅布帆風云省大姑江水東仙家二月碧桃
滿人世幾回青草豐練衣如霜髻顏好見姪身長念
兄老千里書還墨未乾三茅峰高雲可掃

右姚
賦

贈沈畊雲

佳士謝利祿心耕九山雲雨餘暗流泉石田上綢繆不
與牛馬運甘同麋鹿羣千日酒春熟黃鳥醉中聞

題闕鶴洲所藏瞿睿夫鈎勒蘭

有引

睿夫名智婁江人博學善詩以書法鈎勒蘭尤妙絕

為太史黃潛提學段天祐編脩李孝先外史張雨所
友重累遷文學官攝紹興錄判尋棄去

我夢陪羣仙尻輪神為馬阻秀蒼梧岑集芳洞庭野水
雲秋澹淨月露夜清洒畫者何如人冲心良獨寫

題虞奎章贈劉希孟先生琴序後

有引

先生諱世賢宋丞相忠肅公四世孫中書舍人朔齋
之曾孫也先生承世家流風遺澤以琴專門著稱名
公間戊寅歲留江陰數過家君欲以平生所得意御

風騎氣二曲授逢逢時篤志讀

一作詩

書每告以授未

晚也今先生歿已久矣竊嘗怪嵇康之廣陵散漸而不傳及瀕死方自悔責先生斯二曲益不在廣陵散下推其盛心賢于康遠矣辛丑秋先生之子伯容仲禮會逢于雲間曹貞素故第因謂先生過愛若此伯仲欣然取琴為奏前曲各一行且出奎章虞公琴序示之日願述序後為來者美談逢述已復請詩詩曰

葱靈日披猖章甫遂淪墜聯翩忠肅後相逢良深器英瑤

出珮璫珠星見旒綴橫琴貞素館心神脩遺世薄雲行
蘭皋清露落松吹而翁久仙化難忘二曲義伏讀奎章
文如坐夔龍肆廣陵無遺響良治有賢嗣尚愧柳州
執筆先友記

山中詞四首贈鄧筠谷鍊師

溪風過微雨岩花裊幽芬不意數聲磬驚起半簷雲龍
虎嚴守闕天人真與羣樂哉居山中木石符篆文

山升月數尺水木弄妍光適來清冷風吹落沆瀣漿石

上瑤草氣澗阿丹霞房猿鶴不我猜朗吟自成章

碧寥含霜色石林散秋清羣峰金仙髻一瀑玉女璫
樵牧烟外語雞犬雲中聲冥心採芝茹何辱復何榮

五官謝紛拏萬象歸鴻濛烏鵲瑤水上兔浴暘谷中
永却班白毛飛步玉雪童神功妙何測林壑遺清風

元夕夏老圃席上會全希言張如心沈伯脩諸葛
彥飛蔣蕃分韻得馬字

華月照廣除春寒薄生野新歡念仳離餘緒陶文雅縈

歌竹葉裏頭影梅花下大笑市童癡風燈走人馬

題竹石幽禽

霜禽啄梅花片片亂香玉驚着乳鳩栖飛下琅玕竹畫
得詩家妙物趣方兩足詩畫意俱忘閒庭草交綠

席帽山先隴圖詩

有引

山本黃山東峰之別名距江陰城北六里與馬鞍山相
屬曾祖昌誼先生大父潛昭居士大母徐氏先君庫使
妣李氏

諱靖真

墓東西相望焉至正乙未冬不肖逢不幸

避亂于外寢五年矣顧烽烟遼隔不得以時祭掃因
託江東提學睢陽朱澤民為圖江浙分省郎中天台
陳基為序仍自賦一章示免掇摭拊用永其孝思焉
春林烏鳥啼墓上開棠梨清明寒食近子孫各提攜行
行黃山道山光明素縞嚮灸奠酒漿羅泣紛拜掃幸得
緩緩歸及此風光好頻年喪亂苦莫甚我鄉土連村十
萬戶存者僅可數石羊石馬羣亦已卧榛莽於予我先
塋目斷魂魄聚木落氣返根天寒水歸源豹死義首山

狐死首丘原汝曹昧斯理苟全奚足論作歌興孝思不
係圖畫存

得五妹消息因寄一首

階庭玉蘭樹開花屬春暮雪艷曾幾何風吹辭本處玉
蘭豈獨爾有妹鍾陵去生死誓同夫路難不復顧大江
潮兩程想到石頭城團圓便足樂貧賤莫關情汝嫂目
新暗汝兄病猶嬰鄉村文史二村名間菟裘庶其營為妹
向夫道歸農小山好班超萬里封燕頤非草草

喜長女孟芸至

女兄相繼亡女弟復異鄉長女忽歸寧庶寬離思腸去
年中吳園錫城屹孤望大勢臨叵測薄命全彼蒼二雛
抱且攜嫁餘素裙裳淚添新啼痕瘦減舊容光為父致
桃茢為母具蘭湯湯以沐香澤茢以袂不祥五暑風送
音一朝春滿堂彼美綠牕芸蔓葉翠嚴霜詎不欲終護
物性託東陽良人固貧窶老姑尚康強桑青麥雲黃燕
燕雙回翔

讀郭孝子傳傳附

堂構

一作高堂

務崇基士瞻

一作俗士

務我冠文辭外風教市娼

銜春妍有宋郭孝子負母亂兵間白刃加害母懇拜淚

漣漣天地鑒素衷閭里慶生還相望喬梓蔭各終檣櫟

年守臣上厥事卹典遑所敦章公老太史心惻嘗筆一作

筆偶援迄今歷兩朝讀之竦如存浩浩元化流忽忽世俗

遷慈雀巧織巢安知鳳孤騫興歌非為郭期共作者言

郭孝子名汴字失其傳臨江軍新淦縣人也建炎間

敵人深入盜煽起汴居縣東南五十里盜猝至劫汴
母責害藏物既脇以火加慘酷焉汴泣告願以身代
盜義而釋之郡以閭會行在務殷卹典未遑也汴沒
始有表其墓者凡郊赦縣令奉詔祀焉慶元中南郡
章穎撰

讀呂節婦傳

傳附

德人言足徵文人言多靡緋桃艷陽花冬青歲寒抵
孤藤萬歲名所以松上倚於乎呂節婦喪亂全幼稚

馬不被二鞍中心猶止水長終復何言見錄顏樂士

胡齋

名顏樂

士貞婦潔並金婺光有煒荒園雪久濕敗竈烟稍

起呼兒讀遺傳清風生頰齒晚來興彌高聊歌續貂尾

節婦呂氏婺州永康何頎季長妻也何為郡著姓呂

氏名清年二十九季長逝去有一子二女子述生甫

三月時江南寇盜充斥人死兵戈者十七八呂氏能

保有其子若女且全其家人勸之再適氏自誓曰馬

不被二鞍況人乎有死而已聞者疑笑後卒遂其初

志郡邑長史文學博士奉旨備醪餼禮幣表其門同
里胡長孺撰

讀貞燕記有懷魯道原提學

記附

天涯老孤臣想像賦貞燕空梁泥屢落故渚水自泮影
托明鏡鸞夢接長門雁飛雲軒不歸自語清商怨

元貞二年雙燕巢于燕人柳湯佐之家一夕家人以
燈照蠍其雄驚墜猶食之雌徬徨悲鳴不已朝夕守
巢哺諸雛成翼而去明年雌獨來復巢其處人視巢

生二卵疑其更偶徐伺之則抱獨之殼爾自是春來
秋去凡六稔觀者譁然目為貞燕云長沙馮子振記

義鄧

吾鄉有鄧添千里負主骨晨夜竄草間宛轉皆盜窟胼
胝苦何辭性命間一髮日車昏盪沒虹暈或抱月魂氣
相衝塘鳥獸亦猶狘經過百戰地青春暗消歇深幸主
有靈全生及城闕主母悲喜集流淚心激越主妾事他
人空庭自花發主昔為龍蛇公論不可沒但感衣食恩

疎戚均賞罰在家為義奴在軍為義卒庶幾銜土烏尚
愧擊蛇鵲淒淒薦霜露暫暫上參伐不見秦舞陽悲風
動天鉞

贈黃將軍中奉其故主將穆爾古蘇判樞母夫人
歸吳分韵得烟字

丈夫重知己富貴浮雲然壯君仗公義歌詠擬古先報
仇韓張良却敵齊魯連昨者邁院判樹羽塗山顛三苗
喪精魄萬民歸陶甄斬馬柳鄂州餉客郭通泉外蕃久

側目臺諫實搯咽長城乃自壞白氣貫南天君輒討有
罪鵠鴉厭腐肉賊圍亦潰散畏君親披堅黃金雙佩刀
福禍劃回旋掛之祖道左泣挽士五千梅花映素衣獨
上東吳船念彼鶴髮母哭免螢案前萱州暮晷迫薤葉
春露懸豈無一犁牛躬畊石湖田日惟勸加餐樂以卒
歲年今茲喪亂際俗壞教益廢式瞻偉事業前後何其
賢大澤水已泮舟鮫并珠蟪我幸攬餘光校讐圯上編
贈君當載馳為國靖烽烟

上黨有寡婦

後至元二年

上黨有寡婦秉心義且貞誓不暴夫惡甘受殺夫名頻
年用縲絏五府來公卿惟中李柱史哀矜得表情剖棺
重驗屍胸骨金珥橫故主認失物茂宰崇門旌太行春
中原黃河流元精仁風慶雲被麟萃芝羅生地秀鍾壺
儀四方揚頌聲道人儻鳴鐸好自姚都城

排難行贈王子中

相如全趙璧子敬存家氈臣子奉君父由來義當然我

為排難行期播今後賢至正十六年

一作載

楚氛蔽吳天

南臺塔御史盡室方顛連風波萍浮寄墟落匏孤懸內
無虬螭援外絕鴻鴈傳縮地漫勞想拔宅欲假仙形勢
轉倉皇一日猶三年君聞急友義側身入烽烟得子猛
虎穴摘珠驪龍淵菱花奩影合桂樹月魄圓青青驄馬
駒環珥映後先相看喜至骨欲語翻淚連報之錦繡段
長謝賦歸田遂令雞鳴客遠愧齊魯連我時載茶具蕩
漾五湖船蕭蕭春陰暮載歌伐木篇



弟子篇贈張天椿伯陽

俯仰天地間莫重君親師民生事如一世亂多乖離近
托采藥遊聊以觀俗嬉張也吾愛友盛事形歌詩儒先
金昌伯受業羈貫時相違三十年再見忘老衰下榻橘
隱堂開校蓮渚渚青燈續舊夢綠醴潔新卮絕筆俄物
化啟牖為輿尸桐棺斂士服丹旌表靈輜鄉隔烟樹遠
帆上寒潮遲長路衆執紼悉借東風吹其髮泣呱呱痛
極感亦隨紛紜馬上郎結納帳下兒卒死豺虎間弗免

蠅蚋悲師道苟斯立家國反掌治緝成弟子篇忠孝同
少裨

送中政院判敏珠爾昂霄使淮浙二藩還京

採珠極桂海採玉窮冰天志士取功名盍走萬乘燕侶
侶玉節郎匹馬雙龍泉恩光赫徼外德音承日邊二府
饒事畢再拂珊瑚鞭別我冥鴻亭却話三年前煌煌金
虎符婉婉綠綺弦當時苟顧戀安得登祁連汴河氣渾
融嵩華青眇綿心馳隴頭月目斷潮陽烟非比漢中興

尚論周東遷上無勞土木下無媚胡祆六宮親蠶桑釣
軸秉化權本齊源亦激四方自蕃宣持為使歸獻庶慰
心悁悁綠竹吹粉香野櫻紅露懸翻翻黃鸝羽影落碧
梧牋醉歌北上行宿陰適高褰壯遊豈不美親老畫錦
旋山林訪故舊我種吳淞田

贈高彥木

木一作木

有官貴全城無官貴全身賢哉愚全子讀書宛溪濱花
開迎燕社花落送春鶯何心同谷叟甘分葛天民憶昨

甲午秋長鎗灝烽塵鬼哭竄中夜雞鳴度蕭

疑宵一晨
本缺文

未少農馬智實多造化仁向來佻巧徒各已腐荆榛依
依越南鳥采采吳下萼丘嫂禮遇至難兄衣食均端居
淑諸生長揖辭憲臣誓為特立士白首佩璫玦與我林
泉友視我肺腑親寒郊陰風迴日落雙醉巾浩歌遂走
筆世亂母憂貧

贈魯道原縣尹時客授璜溪呂氏大兒振從讀春
秋

河決多橫流世亂無完家由來鄜州月照人生戚嗟郎
官有故鄉宛在桐江涯兩邊久荆棘孤村自桑麻慨想
回文機永夜燈垂花殷勤王母使時復降紫霞佳兒侍
元方弟子進侯芭輦帶寒執經綵衣日將車並期登龍
虎殊鄙註蟲蝦諸侯不能臣忠義聊一作抑爾嘉北風健
駟馬南斗通靈查再陳喻蜀檄閭里被光華

贈南臺掾布爾罕仲淵兼簡浙憲副察伋士安

騶虞謹踐履鳳凰慎栖息大夫出處間身名寶金石維

時戊戌秋念君苦行役體被襤褸衣面帶嵐瘴色義不
事二姓蓋是稽古力白頭一心人亂世成棄擲空涼閭
門邸置酒寬愁臆女牛限明河年年會良夕龍津雌雄
劍終焉如合璧南垣愧一作視兒子願言加飡食出糟鵝
掌紅登市茭笋白長吟寄忠憤短策探勝迹部使問山
人因之道深憶

贈張俊德教諭彥中錄事

王陵一代英徐庶百世士功名繫遭逢孝誠本天理吾

友兩孝張其先西夏氏衆方冒國姓而獨變厥禮兄猶
困難口弟嘗躡龍尾出處矢弗違安危視同體前年甌
人橫楔瑜越南鄙仰事惟君親徬徨曷能已掛帆藉風
姨扶輿拱山鬼艱勞千百狀息心飲谷水登堂拜大賓
列帳坐弟子鸛雀三銜鱸春冰雙躍鯉雖加晉楚富未
忍彼易此綠林氣凋傷玉雪一作璧見穠李殷勤報二難

安排書五始

穠李謂
李忠襄

贈窮獨叟

窮陰結長寒木介河生漸曠野獨獸號異鄉孤臣悲薜
衣帶胡繩三年限朝儀豈徒無炊火顧有麻斬齊身幸
免污辱言之淚交頤脫急藉朱家弔古懷要離遡風酒
三酌老氣吞鄧支誓割梟獍肉用塞烏鳥饑漢酬張良
志吳乞伍員師行歌獨漉篇以繼從軍詩

歲旦未起宋安道稅使袖至倪元鎮書因述懷答
倪

不食妾婦魚寧飲廉讓水善學柳下惠曾有一男子茲

辰屬新正高枕辭賀禮忽得隱淪書矍然攬衣起隱淪
盡散金賤跡痛掃軌薪吹竹根葉盤具園中薺貧病無
一錢老幼逾百指寒雲下微雨聊閱晉唐史一作陶顏
何如人所嫌饑乞米寄言物外交仙山噉瓊蕊

常州軍幕中偶白兔郡儒築城頓兵之擾凡百十

戶及關多予義請留不果因謝別一首

野青氣蕭條花落被廣路長河血流水稜接淮楚暮金
鍾古名邦強者今得據重城萬工役寸晷百洵懼吾黨章

句儒奚堪畚鍤具甌空四壁在幸復罷兵戎論交義咸
敦取別情獨遽栖栖馬羈破戚戚虎穴度班彪西河間
本為生民故一言悟實融中心實歆慕

遊崑山懷舊傷今一首

丈夫貴善後事或失謀始桓桓張楚國挺生海陵鄱一
門蓄大志羣雄適蜂起玄珠探甕社白馬飲浙水三年
車轍南北面復同軌量容甘公說情厚穆生醴誓擊祖
逖揖竟折孫策筭天王詔褒贈守將躬歲祀翼然東崑

丘蘭棹映疏綺青繁春薦豆翠柏寒動榮乾坤宵孤臣
風雨猖五鬼銅駝使有覺存作懼卧荆杞

登崑山寺謁劉龍洲墓

陰厓鬘裙披蕭寺壓其左前無容馬地而公靈永安綽
有高世風荷鍤誓埋我懇懇中興論汎汎岳陽舸竹西
旌佩間為士非瑣瑣我來行吟久顧影歎復坐上下百
年餘同遇時坎坷疎嵐冒川暝歸齋跼跼墮怒馬上孤
舟星流亂漁火

遊小
一作將軍墓祠

將軍名珍字文超唐西河人有功業在崑山民至今
祀焉

時危曳短裾薄游東崑野有唐將軍瑩肅肅風露下木
葉金甲動土花碧血洒居然神兵栖夜嘶石驕馬二蛇
顧首尾勢若無禦者當時陣或然威福巫暫假靈烏拂
人首疎火散村社淚淚淒江波壯懷託申寫

讀僧惇樸菴松石稿為其徒智升題

有序

惇黃岩人趙宋宗室裔先輩胡石堂門生也性介潔
不樂茹腥血因祝髮為沙門壯遊金陵與五峰李孝
先並受知梁王一日公引柯九思見柯以寫竹遂親
幸王即位獨召用柯李後送公詩云月行天中央天
高如屋極中有雪色兔下土人不識我曾摩其鬚仙
吏晚我側世人乞毫光密如霧雨塞蹴踏河漢搖洶
湧若秋沙是誰知此奇南有彌天釋去去不復念令
人淚橫臆若不能無慨者而公兩主名剎退老雲間

心易筆史有山林宿儒氣習佛業師行稱于名緇以
壽歿令其徒升謁示公松石藁凡如千篇于金陵時
事無一及者榮念蓋灰如也升予鄉子弟也請為公
述大畧兼和李一首

世殊老復至懷賢思彌極靜觀惇公詩岩姿恍曾識蓋
茅白雲奧結軫彤郎側酥酪味殊作諒珍葑節饑可塞脣

脣隻履邁古渡幾潮汐松偃石泐泉對月卷忍釋大鵬
才亦無山雞銜文臆

題已延守仁教授竹石有序

守仁蒙古氏至正甲申以禮經領江浙鄉薦中書下第例釋褐出身由是任宗晦書院山長繼長二戴書

院後

一作復

豪右

一本無右字

占田二頃有奇代流滯十年

再中壬寅鄉貢第艱于北上丞相達實公權授安定院長平章張士信尋改為烏程教諭累幣請不赴明年有大臣言之朝始勅除平江教授時士信柄政守仁遂放遊九峯三泖間託寫竹石以自見志節在寒

苦內士咸高之予聲之詩云

廣文窮益堅竹石硯池出勢却虞人旌籟隱伶倫律渭
川春暗雨淇園寒落日鳳深蒼梧雲茅簷花復實

吳城破後門生羅育自睦走無錫遷母胡氏葬還

書至海上寄言一首

育字得英

亭長屏前父州尊停羸馬子負後母丞相送東門下十
年地瓜裂飛翼恨難假雌雄決甫聞匍匐遑一舍日新
照歸旆山舊餘老櫓幽閨永安靈明昊將錫嘏葭長連

霜海草白慘風野披書為起立亂久孝彌寡予病莫致
芻西望醕三瀉

岳鄂王墓木皆南向平江張師正知事命工圖之
為題一首

昔僑嘉會門嘗謁鄂王墓二樸儼喬梓十八松夾護一
壁青天豁半嶺靈籟度席然卷旄頭槩若列武庫勢回
退飛鷁神悅獨屏樹適來卉衣巫載陟苔花昨遺像雖
土木快觀猶披霧還鄉驚艸昧臨衝乏材具思得背蒐

一作
鬼

軍少展常山步憂長家從隱髮短歲復暮溪園黃
落深多爾特我顧粲粲岳林圖依依栖霞路物性本莫
齊英氣實攸聚月中劍精起想像羆虎踞以袖敬拂拭
老淚忽雨澍成固謝妙工壞或恐內樹龍雲與魚水艱
哉君臣遇益使澹蕩人終身樂韋布

過余山聰禪師道場同曦南仲送昭晦岩上人遊
五臺

躡翼神駿姿一日千里馳道林愛成癖蓋抱才不羈惟

昭東余土十載蠅鑽紙夜形駱駝夢欲飲流沙水茲為
五臺別其山絕惱熱驚來照春冰羊角搏夏雪塞向鵲
歌鳴啟戶綠暗樾空中青猊駕雲端寶花闕地昔安坐
具石壁光素發質多阿脩羅回回不敢侮凡所相屬妄
自見性乃悟聰老望歸來金精立雙樹

留曦上人會海禪林送體用庵上座遊南嶽祝融
峯

名縑五臺英將釜祝融峰杯俯洞庭小一螺媼山容雲

衲洒飛瀑霜磬度疎松扶桑既入望老對夕陽春

慈報寺長老南岳雲畫山雲圖松圖各有詩予次

韻

空山不知春白雲莽昏曙幽磬迴已沈詩禪淡自悟溪
影流一花月明在雙樹

石間孤生松天涯特立士相看雨滴翠似聞風落子駕
言歸去來白雲滿蒼苔

闕

以制所撰並志剛夫婦誌後有後序

亂石生畏途濁浪無清潄匹夫與匹婦終始良苦心夫
比一寸膠婦比一寸針物性稟自天用去作指南莽莽
陳鄭郊切切桑濮音靡瓠瓦缶間復見古瑟琴霜飈颯
短褐寒雲閼窮陰節母頤相望老矣梁父吟

孟志剛者絳人也當忠襄王駐陝剛客授澠池既

關

汴平圖東歸計又授徒汴西門無何以疾卒學徒殮
未殯妻衣氏囑匠斧大棺學徒舉疑之曉夜更守衣
氏乃盡殺雞醵祭畢慟哭以割牲刀自刎死隣友薛

方合諸徒葬之西門外初剛挈衣氏自陳避兵來汴
病饑行販彰德而汴彰相繼陷不相聞二年遂間關
至洛將趨汴訪求之俄稠人中有呼剛者剛顧則衣
氏也泣謂曰妾曠違夫子市丐廟舍得不戮辱而復
聚此天也剛亦泣偕依鄉人河南判樞麻李公居焉
公嘗物色一妾勸剛納之曰平時吾州南孟氏二百
口今惟剛在且無子若不聽我宗祀責誰歸剛辭曰
有子無子命也匹夫匹婦義也守義俟命尚他慕哉

逾年沒所性直方每面折人人不之怨尚先生元素
蓋其師云以制名衡江西人今隱居淇上

筍無頭有引

記夢也已亥歲予遊杭丞相達識公用薦者言擬擢
為蕭山尹尋病還而蕭山游懼兵革始悟筍無頭蓋
尹字也因補是辭

夜夢竹筍兮無頭精神恍惚兮莫測其由山川慘容兮
風露為愁若有人兮告予不可留苟貪祿兮曷免悔尤

書儉德堂左斷石

使為砧兮孰配以杵使為砥兮孰承以柱使為磬兮孰
編以虞厓斷壁絕兮志士獨與饑渴可療兮薇蕨同煮
最閒園東復闢荒地藝以菜麥名曰青圃作青園
辭

園始荒兮草棘園既闢兮菜麥食新可望兮饑也云除
田弗澇兮飢亦有儲賢者過兮蔬飯于舍我無嗟兮無
謝

西霞一首書籀山石壁上

西霞在岑慨曰則沈言息予心薄煥我襟西霞在麓睠
鳥則宿言駐予足薄暖我目維聖學易維賢知非將泳
道涯卒依德輝載引之領載翹之首願焉斯霞以化春
酒

題商皓圖

紫芝撫撫白石楚楚風泉嵐霏交寫互吐於四老父以
延以佇以歌以舞爰宅幽阻匪幽阻是宅有誅偶語青

松渠渠瑤草塗塗簡出深居銳麋鶴狙於列仙癯以讌
以娛以嘯以呼爰友樵漁匪樵漁是友有適左閭篤生
于周考終于劉商不羸赭斯豈人謀匪人伊天其德之
酬歲逾邁矣霜雪孔稠我心雲鴻曷日云休

我田

夏滂也予有田在橫泖辰字圖雨甚憂形于辭焉

綿上無聞兮汶陽不治我田孔卑兮霖滂載罹蛟鰥王
兮陸為宮天戴地履兮曾饘飽弗克噫假使歲稔兮孰

愈道豐

擷于晡

擷于晡維蓼及荼倚于旭匪栢則竹風撓林兮露零坂
攻苦勵節兮愁獨往返天道不遠兮汜歲之晚

響石二曰豐鐘曰泗磬各刻之辭分置林泉

豐鐘曰德瑞璫音琳琅應素商天迨霜歌幽章慶金穰
泗磬曰山儲英水凝晶戛球鳴激以清文運明諧大成

炎風

辛亥五月作是年四月十三日得男孫

炎風兮赤日載花兮木筆榴一蒂兮三實文翰兮是膺
簠簠兮是承尚期兮來仍

木客圖為董竹林山長題

有柯者斧有力者齧牙牙荒寒胡不歸處阿房方作鳥
迴飛翰大索工師山木是刊星奔電一作驅血指背汗

從此逝兮猶馬釋絆其食杞棗其衣蘿葛甚雨疾風匪

岩伊穴涼宵佳時滿引流霞鬻一作笑仰天猩猩舞戴花

予意招之頭若為掉程石載秦雖倭罔效藥使入海吏
隱曠塵風嚮景從予非凡倫非凡蓋仙有道不死式瞻
遺容庸敢追誄尚弔爾坑鬼

登鍾賈山淨行寺靜初上人栖雲樓為題辭一首

仰山兮樓間秀吾食兮雲吾攀俯樓兮山上雲層匝兮
天樂殷響繁高閒兮憺心迹伊雲山兮自主客羈薦葛
兮潤簫柏寒清凝兮輝顥白一氣籥兮上浮八紘條兮
周流邈與鶴歸兮弗應龍求濁世翩翩兮富貴可羞將

棄違兮筆研杖往來兮蒼翠之幽

莆溪蔣蕃季碩壽萱堂詩

有堂維茅于莆之原有祝弗藻北維樹萱厥義何居味
性滑溫母氏食之百憂用緩予祝福母由天賦善我作
歌詩匪頌伊勉維萱黃榮維萱綠萸子芳藟日清風
夷柔嘉孔儀實子之婉悟維萱綠萸維萱黃榮中心嫻
惇風夷日清靜間孔貞實子之孝誠莆流云長蓋後作
于澤堂基云宗蓋上土于積學猶殖也萱兮培德萱兮

培德后葉之昌奕奕

一本無之字

華西一曲辭

題楊

一本有生字

士中別業

中脩脩兮髻秋步冷風兮歌游睠華水兮迴脈涇鳥浦
黃兮獨湛湜田種穆兮墮桑苧喪賻畊助兮由義之府
返窮猿兮故林脫孤鼃兮數呂鑣聯軌兮狹邪仆壞
子不徑實兮有蕙其帶野淒露兮天肇霜誦且絃兮中
堂春載陽兮相攜河陽

有竹有序

有竹美雲間沈德輝煥卿也德輝嘗從先人游既吏
祿于邑多所平反而退隱竹庭之下以樂子易之孝
養焉

有竹青青匪郊匪垌君子之庭庭不容焉杖屨其下風
露清洒于享壽嘏有竹離離匪巔匪潛君子之墀墀不
容輶簞枕其幽炎歔邈悠于樂燕休欲穡之食必歲其
力欲德之植歲必其百藐軀兩間好生則均嗟彼厚祿

遑保厥身維竹有穉維君子有嗣尚歌衛詩庸濟世美
鵲狐答一村張子政窮寒答天變之作

有靈曰鵲營巢占風曾謂吾人靡鵲之同有知曰狐涉
渡聽水曾謂吾人靡狐之徵吾人滔滔乘馬丹轂弗範
而馳致顛汙覆嘉林之下黜然寒泉被褐于隱時邁世
遷霜露霰雪天其教也貧賤憂惕士胥傲也士胥傲也
鵲狐是蹈也

味易杯

有序

易惟四卦言酒而皆當險難之時予備嘗焉幸老至
矣名杯曰味易仍刻詩杯之槃曰憶昔月初生踰關
衆欲兵黑風櫻市虎白浪掣湖鯨石筏宵孤露梁山
暑病行天其秩佚作吾老味易遲時清識其略耳蓋未
足歌樂之乃載歌曰

拘羑兮易演厄陳兮道闡聖迹悠兮莫踐未濟與坎兮
困需姑味酒兮吾生之餘海月其亮兮天風其徐

貧山歌聞門生薛復田廬其下懷歸感昔賦以寄

之

鄉山東遮兮犬牙銜屹神秀兮奚名為貪我嘗徑度兮
加策鈍驂義不留兮士之攸嫌聖過盜泉兮忍渴弗取
墨舍朝歌兮孝去勝母處獨絕楚兮殉節死歐飲犢上
流兮尚推潔犢口彼皆然兮德維其有夫圭玷兮貴鏹
衣垢兮用澣愚莫愚兮怙惡賢莫賢兮遷善於茲山兮
有隅尤介若兮不汙顧依本兮美物更曰廉兮匪踰羣
分兮彙聚綺黃二山名賓迎一作兮君山名望江許鯉山名游

龍兮前驪鬣殿跑兮鹿旁乳

事見郡志

嵐曉晚兮含丹昕峰

高寒兮洒翠氛乃儲雲兮蓄雨不屑澤下國兮闕氣

饋如兮孚尹草豐縟兮水潤液猿鶴胥來兮豕蛇遑息

嗟神往兮夢歸疇縲予兮藥石紫芝瞻兮商顏煒客星

兮富春美璞玉剖兮荆岡慚蕙帳虛兮鍾阜恥誓將岩

栖谷壑以彷彿夷展之趨

一作趨

躋兮二三子兮操杖几

尚闕箋兮飛廉謝山靈兮躡履

林泉民歌贈無錫張相夢辰樞明經脩行累辟病

辭

若有人兮西神顏薜蘿屋兮松桂闕佩詩書兮服仁義擘

馨

一作

斯擘兮采是闕穿虎穴兮攀鳶巢洞扉呀兮泉響

交山鬼嘯兮木客跂光矐睓兮來雲旂琴白石兮自絃

衷抑鬱兮誰

一作子

宣楚狂去兮蒼姬衰商綺隱兮

羸炎

烟文與道兮就隕孰千鈞兮一髮引睠枯落兮弗盡加

斧斤兮曷忍百實秋兮三秀春老益學兮亂能貧信禮

樂兮在野天將啟兮遺民

石林一首贈琴友劉仲禮

何山無石何石無林石崇林深有我有琴三代禮隳遺

音則雅烏有

一作鳥百

斯騫樂莫知者石氣上齊林沐時雨

流液薦蘿被澤蘭

一作衡

杜白露既滋蒼峭黃姜龍蛇伏

坻歲聿暮而玉攻材蒐我卒懷矣無愠無悶庶幾君子

題戴崧先府君良才諱善行號蒼山處士小像

有序

歲已亥兵薄括處士命子崧挈母先入山及返迎處
士兵大至燭城崧冒燄觸刃瀕死者屢且哀告軍物

色父所在害獲免時弟洺將處士竄溪南山處士謂
同難者曰吾一褐以老未嘗垢與其蔓州同穢不如
滄浪清之獨也徑投于溪洺救不克亦死崧甫伏與
母葬之武溪原以洺祔躬廬墓餘十年而慘怛之痛
思慕之切猶一日也復繪處士小像託前進士顏守
仁徵挽章永嘉曹新民教授有曰菊帶晉愁香不改
松輕秦爵老猶青予曰

兵貴戢兮不戢何為父蹈水兮聲

一本有餘字

鳴悲由也盡

思兮哀也廢詩惓惓于圖兮孝亦庶而霧雨除兮神魚
揚馨魂騎上天兮涅無淄

紫岡贈華亭徐克振書其邑丞魯淵道源序後有序

克振名振少孤哀大父母保育誨字底成立振克敬克
事大父母沒苦寢蔬食廬墓六寒暑猶一朝夕逢謂盡
禮盡思之道振以孫行之大父母孝矣詩曰

眷眷海濱匪澤斯鹵歸岡紫土孝徐振所伊孝云何蚤
背恃怙維大父子撫維大母子卵襄而抱觴而膝髻塾

冠室愛猶一日乃綱乃文乃玉乃質侍靡須失大父母
胥喪毀瘠痛呻蔬麻凶苦義弗間親閭閻罔踰禮經是
循百六十旬綿延有瓜孫枝有桐霜寒雨春油油于裘
爰主維尸一作尸爰亢維宗手口澤存亦目觸涕汶一作從
山始崑江源岷鷹豺仁人曷不人於昭者天相在爾振
尚祿爾後雲

懷歸

石林兮畫綠野月兮夕縞將捫蘿兮采之藻我心兮懷

歸人謂我兮娛老

最閒園辭

園有木石予從而景息匪息也景彼其予識園有禽魚

予從而心娛匪娛也心彼其交

一作友

予豈曰車無脂不

良驅馳豈曰馬無羈及此阽危尚慎之哉草露之滋

玄芝辭

有引

逢寓隱烏涇之三年七月望命免拊雞後園灌莽報
有異艸在椒之下即而觀焉蓋玄芝也作玄芝辭

有芝英英在園之東輪囷雲章白郭玄相吾不知為妖
為祥於乎猗蘭之芳聖人之傷聖人之傷小子之藏

題留侯小像

漢高三尺劍子房三寸舌剛柔兩相濟秦降楚復滅君
不見乾坤狡兔飛鳥秋脫使子房無世仇箕栖潁飲老
則休

垂釣圖為窮獨叟題

麾扇渡頭芳草多投金瀨口水無波非此水不投釣非

此草不製簾人心其如忠義何

史驪兒 有引

驪燕人善琵琶至治間蒙上幸上使酒縱威福無敢諫者一日御紫檀殿飲命驪弦而歌之驪以殿前歡曲應制有酒神仙之句怒叱左右殺之後問驪不在悔曰驪以酒諷我也前和州同知李澄言于達欲傳其事達為賦一辭澄字中深開州人翰林承旨惟中先生從子也

虎帖耳豹俛首青天白日雷電走尚食黃羊光祿酒史
騾曲曲春風手蕭王馬蹴潯沱水亞父玉碎鴻門斗鳳
凰鍛翮蚌珠剖趙女含瑟秦娥罷缶飲中八仙方下來
御溝濺赤花飛柳君不見龍生逆鱗海嶽寒嗚呼史騾
乃敢干和州孤臣說舊語梨園弟子更新譜

送日本僧得中遊廬山

嘗歌廬山謠既誦廬山高謫仙歐九氣兩鑒後世邀見
詩人豪上人毛吞鯨海濤崑蓬蒿華窺秋毫香爐瀑布

試一遨五老離立同免曹三百六十龍象遭天燈絡繹
長林阜我聞層巔聳峭壁字畫慘淡古鳥跡禹平水土
紀功德廬君以來人靡識盍捫雲蘿梯磽石摩娑摸索
為我惜聖神闕酒三漉亂餘赤子甚饑溺安得再賴
秉橈力盡九州內為化國回首扶桑長只尺

張節婦吳氏辭有引

吳諱妙寧松之上海人年二十一贅同里張氏子越
四載邑大姓以事連坐其父寧泣曰吾父苟無地為

解族其赤矣吾不遑死禍延良人悔孰甚一日遂雉
經死未克葬徵繫吏果至聞寧死喑異而去時友生
顧或教授其里乃攜寧幼子浩來拜逢請文逢因書
此以歸之辭曰

紅羊年黑鼠月張婦吳儼遺烈九山風酸泖波血二氣
舛錯愁雲結百里泥塗昏墊中梅花一樹驚飄雪我招
數十節義魂扁舟今過西新村歲時堂上虛鳴佩烟雨
牆角餘綠盆篇詩為付孝子浩四海薄俗何當敦

題姚外史草樓

黃鶴鉗碎江水聲
燕子空鏤苔衣生
齊雲一炬亦焦土
草樓寵辱何曾驚
草樓岑然玉局湧
月流大丹海流承
九天浩氣神與游
大地八風吹不動
琅玕迴度鐘磬間
鶴翠洒洒常清寒
青精分食野人飯
琪花獨樹雷師壇
已公之屋杜陵賦
南陽之廬帝三顧
君之草樓百靈護
萬象森羅畢呈露
作者邀醉中山醪
羨我脫略元龍豪
不知誰主復誰客
高枕東來午夜濤

醉贈相子先有引

子先名禮素精奕比學黃大癡畫輒逼真近登鳳山
賭予舊所題名因作圖見寄既邂逅旅次乃飲之酒
贈之歌云

老生不能臣諸侯却來題名鳳山頭霜晴木脫壁峭立
鴉兔大字淋漓秋于時陳肅邵維翰隱余薛遙睇中原

心耳熱兩人既仕李河南鴈斷鶻啼榮夢歇邇承奕相
遊茲山三復舊記松蘿間野僧有待碧紗護畫圖已自

傳人寰君本家西河鍾秀西湖曲龍城倚高寒雁蕩濯
深淥華亭道阻汎雪船四一作泉鯢鱸買梅花前青衣童
保進斗酒邂逅意氣凌吳天好將金城圖略上天子回
首共訪巴園仙

三月十二屬予初度時客舍承朱僉樞攜僚佐見過
我生三月之仲丁長庚輔日當奎星命居旄頭身驛馬
薄有抱負多飄零鵲鸛嘗典金陵酒蛟龍幸護錢塘輒

乙酉十二月予護母櫬泊
錢塘鄰舟多為風潮所覆
魯連海上隱行歌吳王臺前

辭下走清齊庾杲廿七種短疏劉蕡四三首才名從知

造物惡心臟空夢神人剖

乙亥曾感異夢見心臟皆五色

茲辰客舍風

雨俱湯餅尚少囊中蚨正冠試誦蓼莪什衝泥適來櫻

笋厨帳士彈箏玉連鎖廬免執爨貂檐榆落花穀穀香

埽途闔座氣作思馳驅箕不以簸斗不斟仰面大笑真

吾徒

辭卽幕後王左丞復以淮省都事過舉且送馬至

以詩辭還

梁欝難衝城干將難補履歷塊過都百戰材枉送懷鉛
提槩士左手控紫游韁右手執青絲鞭攬身試上文錦
韜吳臺越苑山浪湧連城花暗搖紅烟由來得意虞失
脚帥府元僚早辭却方圖安步傍林泉敢許橫行向沙
漠野庭憩馬荒雞鳴馬思故櫪雄風生殷勤目送便上
道駕牛萬一至南平

登君堂

闕

奉陪秦景容郎中太夫人唐氏八十壽

席

登君堂拜君母坐君右酌君酒君冠切雲藻火綬封腴
割鮮會昆友霞觴載稱載獻壽兩行蛾眉小垂手鼓吏
蹀躞進軒牖清歌裊裊絲縈藕鳳蠟龍香上窈糾極南
老人星在斗老人郡封福如阜飲寒食生異白兮孤孽
疏遠及奔走陰煦春育同親厚聖經賢傳萃淵數座間
雍容不去口妙年胎教君腹受所以魏科談笑取君言
世運厄陽九甲第紛紛沒蒿莠湖田二頃宮一畝謝超
宗免孟光婦賣金養志恐少後孝行既至仍引咎嗟予

遭亂墓失守貧賤鬱鬱此居久伯符公瑾骨已朽丈夫
意氣誰不有願堅道義莫背負公沙昔得交杵白夜闌
青鳥巢堦柳微步凌波動魚笥我歌跌宕君聽否出門
大笑霜鐘吼

贈醉墨生徐貽

君不見王勃醉墨腹稿成張旭醉墨草聖鳴生也醉墨
心醉畫落筆迴奪天人精首法米南宮繼習北苑董試
臨老闔職貢圖頭飛鼻飲欲活動去年傳馬大夫黃冠

野服賀監湖今年寓鍾進士絕行高名魯男子不圖
木落黃龍灣寓我弄月扁舟間醉墨生復何有胸中
魚鳥在沼園所願淳風化日回上為至尊千萬壽千
萬壽良有時殷高舊貌版築相漢顯曾草雲臺姿匪
生是望將誰期生再拜生再舞一尊來省最閒園三
花且對江珧柱

秦筆妻

有序

筆予里人也乙未亂挈妻依同郡朱判官瑀居吳中

筆病卒貧無以斂朱為具棺衾且思所以卹養其妻
妻覺泣謝曰良人筆生以藝游搢紳間詩書禮義之
教妾亦與聞之矣妾以未亡有累於鄉長者任在長
者義妾其于義何朱加慰之夜漏半哭益哀遂自經
筆死所朱為合葬焉

良人賣筆芙蓉市交接無非大丈夫士詩書禮義言熟聞
冰霜松柏操奚云亂餘良人死君託恤寡見君尤不惡
願君葬妾良人邊夢中雙報筆如椽

題楊絃孫仲桓芝泉亭

仲桓年友令儒者雙親

父約山先生平陽人母華亭陸氏

遷葬神山下

厥土駢剛位巽乾佳氣絪縕騰紫烟紫烟經宿未曾散
周產瑞芝旁涌泉芝泉亭開但讀禮地匝紅雲石流髓
中心一念十五霜孝格上天方有此君不見道傍骼
厭鳶螳聞風或掩蘂裡取

奉贈崔節軒同僉

崔侯昨者神與籌黑書兔脫雙溪樓手持使節肘佩印

歸擁萬衆雄貔貅丞相飛奏天動色詔僉僧臺安祿食
思家遠在嵩少山拂衣却過機雲宅機雲宅繞萼菜碧
故吏門生候朝夕珠樹三花一萼紅華髮千莖寸心赤
寒波木落雁叫霜山人鼓枹牛斗傍好峰四五青在眼
獲共尊俎談興亡世皇混一垂百載遼金風習至今在
會須禮樂本三王庶得兵戈清四海今春三月黃河清
草澤正爾龍蛇橫袖中有頌未敢獻且浮大白陶餘生
陶餘生浮大白醉裏狂言侯不責杜陵晚遇張鎬知謝

安元是桓溫客朝廷念亂徵老臣早濟斯世康斯民慎

勿便薦

一作江湖自適

王山人

簡完杭州時久雨三邊有警

吳山十日雲晦冥雨聲長驅如建瓴慎郎闔市蚌鮓生

羅刹

錢塘江舊名

洶浪魴鱖腥枯株產蘖詫芝菌總為燮理

乖常經黃童白叟病塗炭仰首願見台階呈朝廷分寄

屬邦牧况君牛刀新發硎曩年步取雙珠虎茲辰坐享

五侯鯖疎紅小翠集燕寢長楊高槐連馬垞南來獠氣

一洒豁萬室半起炊烟青夫差茂苑已入楚會稽孤鎮

餘岩亭烏龍

山名

陸沈婆隕石舍蓋堂與栖流螢重闕借

問竟誰守幾夜急度軍中鈴左車未少井陸

作陸

計孟堅

不惜燕然銘我居漏屋漫憂搗天末殷殷收奔霆聞君
多在達相側必也有道安生靈嗚呼亦必有道防邊庭

奉贈秦郎中時卜鄰橫泖

我乘太乙舟偶過袁崧宅平生兩青眼喜見有此客客
從胄監登桂籍日下名齊雲五色躡鳬我旁十年間附

鳳攀龍萬方赫八閩郡縣苦兵革老弱轉為溝壑瘠草
中寇竊偵天險閩外元勛勞石畫斗南使星夜流白獻
可替否承帝責花門卒就鈇鉞誅木灣薦貢珠琛舶流
亡復業軍給食萱樹堂思荔枝陌陳表情同李令伯還
家事異徐元直江妃鑿冰躍鯉魚橘包筍脯羅前除雁
行衣綵互勸酒鶴髮垂珥猶觀書奴躬畊稼婢織絰座
右章甫無時虛王珪房杜早交結愧我孤陋才空疎丈
夫生晚世曷補墳墓亦已成榛墟行歌考槃賦遂初山

妻操白兔駕車卜鄰老傍曾參壚

題華亭趙氏雙慶堂

雙慶大字三尺餘書學博士米老書銀鈎鉄畫煥華扁
野鶩家雞隨墨猪南垣從事寶藏久題封遠寄趙隱居
隱居夫婦百有七十歲慈顏童若道氣神仙如雨燈的
的夜猶續霜髮蕭蕭晨自梳平生種德還種樹坐見益
擁于公閭大郎賣藥隱城市小郎謝吏歸村墟小郎奉
觴跼進酒大郎奉耒躬膾魚今日何日席不虛水蒼珮

映青霞裾鵝羣池散晴雪滿燕子簾卷薰風初膝前玉
語蘭解笑柳拂九秋花園興一門四世咸在侍衆賓屬
我留瓊琚我從去國至避地目治多難常款歔乃翁全
獲福善報伯氏仲氏尚慎終名譽伯仲載拜答頌禱已
閻帝夢遊華胥

二胡節士

有後序

列仙之癯山澤儒連壁迴映清冰壺一寒太高黃道士
一貧不謫羅司徒古來夷齊礪風節元方季方方軌轍

祥麟威鳳不可招斷霞落日鴉明滅

二胡節士嫠之永康人長穆仲次汲仲前後並寓杭
穆嘗風雪高卧午未啟戶道士黃松瀑至扣之曰得
毋饑乎穆曰不饑得毋寒乎穆曰不寒黃別去見宗
陽宮真人杜南谷言其狀急饋米酒綿炭復慮不受
不敢過多及饋臨穆曰此必松瀑與南谷言濟吾饑
寒吾固不饑不寒也卒不受汲一日文敏趙公來求
撰羅司徒父墓銘楮鏹百定他物稱是汲曰吾豈為

宦官父作墓銘辭之時絕糧一日矣後趙文敏挽詩
有云淚濕黔婁被心傷郭泰巾槩可徵矣黃台人杜
當塗人咸有高行兼儒雅前鄉貢進士錢唐錢惟善
云

目眚軒有後序

身眚勞百骸目眚勞兩瞳身眚口體常不充目眚奚止
穀在中所以金肅氏目眚俞塘東滿牀破書一畝宮傍
若萬頃秋雲空菑畬經訓信有穫鹵莽心地知無功生

徒下淑親上侍束脩自足菽水供邇來種學道且熟蝦
荒鱉兵歲浹逢裨官旁午稊說橫牕鬼出掌燈搖風卓
哉金肅心不動却訪謝病還山翁翁嘗舌耨苦少助忽
驚岩電超吾戎于時野淨啼饑鴻江月賸照梅花蓬畊
耶耨耶姑雨置暖腹試強新春紅贈言緯象不久聚奎
分當與李公平章前後相輝隆

李公諱好文字惟中開州東明人幼力學家苦貧夜
就隣之磨坊燈讀書凡十餘年靡少懈一日值雪

抵村舍媪貸斗麥

一作黑

菽媪却曰予奚拙畊公曰吾

目畊耳其意氣自若也既諺曰目畊夜分李好文後

以明經登進士第累遷太常博士會至順皇帝祭太

廟乘馬至裏橋無敢諫止者公膝行阻橋曰請皇帝

下馬上如之百官咸悚懼上入問左右特授禮儀使

明年丁母王夫人憂至正間權國子祭酒從容語上

宜躬祀孔子上敬納之丞相奏重臣代由是命丞相

代祀

一本有太牢仍以羊千角他物稱是用勉勵弟子員句

未幾上丁夜臺中

丞耿屏騶從入與觀禮弟子員誤過之翌旦耿督刑
部問所過者一監騷然公曰中丞弗原其誤乃欲施
鞭刑耶遂解印丞相以聞耿詣謝乃已下有其拜御史平反上黨
義婦獄在諭德太子議拜如禮始與當進所撰禮書
之見位省臺輔贊以道中外師重句若干卷官至翰林承旨致仕河南平章卒從子澄為
予言之故予錄以為肅勸肅尚勉之哉

奉寄烏延子忠廉使

君侯昔守常郡時九箭河頭喜相見眼驚烽急未深語

城郭一夜寒暄變壯哉陽山土著民能為君侯獨酣戰
春頌王正在田野坐卧長對天北面關梁既撤元氣回
赤日焜耀浮雲開五花儀從紫色馬揭羅蓋擁吳門來中
朝大夫錄殊績南省丞相收遺材方瞻福星照茗水又
報清霜飛柏臺柏臺有詔新整飭十道司存咸率職似聞
青宮急中興尚恐岩廊事姑息頻年淆亂甚隋季在在
諫官當任責君侯素是骨鯁臣麟角鳳毛為世珍國家
涖闕舊言路白簡實封宜上陳西湖二月鶯花辰畫船

不移空綠蘋幾時重逢下車揖乞我湖陰垂釣緇

烏涇書所聞

炫晝桃花縞夜李陽和薰蒸露華洗托根上苑八十春
汎艷御溝三百里香深影密覺漏遲舞隊暗消雲氣紫
驚霜忽薄萬年樹花神爭隨北遊豫細草青粘南馬足
長楊雪暎征夫目聞者不為此歎吁月姊赤脚驅長途
行丐尚有天黃姑

范氏義夫賢婦辭

有序

范琦字子善父竹坡居士世杭人妻瞿諱慧貞嘗粥
首飾奉師教子毅宜立及歿琦年四十或勸再娶曰
娶為宗祀計也吾有宗祀矣既子森疑儒儕間丁時
棘艱毅恬守鄉隴宜登至正己亥江浙省備榜進士
授華亭學諭立隱居教授數薦辟疾辭宜立迎父養
以卒士至今多瞿之賢而重琦果于行也推為義夫
賢婦云

竹坡范氏家湖曲有子溫良婦賢淑春風于飛堂上燕

秋霜連理庭前木三兒珠聯業章句甫

缺文一作具

釵環滻

朝露有琴永絕鸞膠弦無衣更著蘆花絮古不再娶華

與曾何幸到爾遺風興始諧睢鳩卒孤雁及見關孫關

巨筆誌墓其音徵

楊女貞為鐵厓提學作

有後序

一夕百年盟銳然東海寡婦清高堂欲奪柏舟志坏土
爭觀貞木榮耿耿血書爰爰孝塋比境相望異代齊名
盱江天涵白玉京剡峯壁立青雲城萬松仗夾千花迎

仙遊微落絳繚聲並樂不苦神如生君不見西施傾國
辱越產故妻求去羞漢卿草玄閣上琴尊暇授簡叨為

女史評

女貞者鐵厓公之從父女弟也諱宜既笄許陸氏子

某一作娶

一夕卒後達官聘之宜誓不嫁母逼之閉重

戶自盡公嘗植女貞木以表其墓曹娥瑩天台王氏

青風

一作峰

廟並比境

閻立本職貢圖為章脩齊題

古先夏后塗山會猶有防風氏不至諸蕃朝唐何盛哉
臣閼躬圖毫末備想當是時千羽收日月耀衮星垂旒
曲拳屏足僞僂狀披髮偏袒羔狐裘蠕動喙息咸沾休
自天傳世知幾載丹碧尚照昏眇眸澄懷樓居清可掬
罷琴題詩照一作臨水木名園良疇繞柘湖篤志好在幽
風圖

題蔡琰還漢圖

銅臺春深邊草綠琰因名父千金贖殘生既免羶裘鬼

哀哀莫盡蘆笳曲舊時漢粧慵復理感義懷慚歸董祀
入朝好語亂世雄賤妾不為天地容爾其忠事山陽公

右軍書扇圖為郡守理熙伯雍題

老嫗蒲葵扇道士白鵝羣蘭亭一勝會總未知右軍桓
溫帖中二三語坐令晉鼎安如堵淝水之陣烏足數

趙仲穆待制山水為余崑丘鍊師題

大山小山生翠寒石瀨峽束流風湍魚梁鼃卧雨厓口
鳥道蛇折層雲端一人白駒先紫馬從者衣冠亦儒雅

回睇星槎直上天茅堂却在松林下吳中雪川稱絕境
趙宋王孫畫誰並商家孫子多服周禾黍離離見茗穎
我來題畫神仙都城春草木稍稍蘇懷哉王孫亦已無
懷哉王孫亦已無

題朱澤民提學山水

英宗皇帝潛邸時藩王

高麗國王

薦君坐講帷天機復得畫

肯綮不但怪怪還奇奇太山高寒並王屋細路縈紆入
斜谷却分李靖髭瓢漿幻出匡廬水簾瀑一時清氣千

里會兩賢中居古冠帶簷暝微籠焙茗烟溪聲遠合鳴
秋籟東西飛閣羣林泉一作泉神往恍爾如生孫何從今
日老此境便當上界官仙曹君兮君兮吾舊識青驪一
去無消息好在靈岩爽翠間荐杞冰綃潑酣墨

合淝東遂菴學正為畫君山酹月圖長歌奉謝

憶攜蓉城霞

名酒

醉賞君山雪興酣俯厓面三酹大江月

靈竒祕怪不可說回首十年塵土熱東卿想像作此圖
如見當時眼為豁是山傑立皓氣鮮四八賓從咸華顛

吾鄉有三十二銀濤絲紫料角海料角地名遠在通州玉臺鏡露

山君山為之主

峨眉烟

峨眉嘴即在君山下

槎枒亂樹拔虎崛撇挨小艇吞龍淵

樵丁罷斧僧罷磬木瓢一箇滄茫前君不見江山元與

天地闢有月無人景虛擲崑崙東來幾萬里衣冠雲散

三千客三千客後世屢易曉事僅有羅春伯事見郡志龜趺

福翳鬼照火鼃背蒼涼獸交跡君不見采石紫綺裘赤

壁洞簫歌樂者信曠達齷齪一作憂者將如何歲云暮矣雙

鬢皤夢恍茅屋牽青蘿廣寒白兔下相杵貝闕鮫女趨

鳴梭卿聞大叫當就隱指日莫問魯陽戈

謝彥明宴予西墅姚澹如為予畫雙松平遠圖醉

題圖左

胥溪西堂雪壁立徂徠雙松忽飛入節角觚觔甲衣濕
白帝玄冥氣交襲昂霄聳壑爭長雄下視棘樹嬰孩同
陶鎔自出大匠手點染不藉東皇功彷彿子落苔澗響
慘澹影掃霜林空靈根如蛇石面走女蘿欲拂幽人首
千巒連雲驅陣馬一舸乘仙上牛斗洲情渚思殊未休

我贈之歌飲之酒澹如早歲名家駒

其父子敬嘗與趙公倡和

學士

趙公坐以隅大厯詩指授永和帖鉤摹時康歲稔多在
客龍顛虎斃猶為儒酒酣笑老兔鬚松下添我潦倒夫
明月滿袖春風扶

題黃大癡山水

大癡名公望字子久杭人嘗掾中臺察院會張閭平
章被誣累之得不死遂入道云

十年不見黃大癡筆鋒墨瀟元氣垂絕壁雙巒萬古鉄

長松離立五丈旗蜀江巫峽動溟津陰嵐夜束魚龍吟
一作冷峨眉更插空青間差似胸中之耿耿大癡與我忘
年交高視河嶽同兜曹天寒歲晚鴻鵠遠風雨草樹餘
蕭騷風雨州樹餘蕭騷大癡真是人中豪

浦東女

浦東巨室多豪奢浦東編戶長咨嗟丁男殉俗各出贅
紅女不暇親桑麻鵲鳩呼雨棟花紫大麥飯香勝小米
一方青布齊裹頭赤脚踏車爭捲水水低岬高力易歇

反水上田愁漏缺穀種看如瓜子金野鳩不銜田鼠竊
草黃衣薄風披披日色照面蒼烟姿南隣北伴更貧苦
糠粃糜粉隨朝齏阿嬭送茶相向語鉅室今為州府主
妻拜夫人婢亦榮繡幃朱輪照鄉土羊牛下來雞欲栖
汪汪淚眼數行啼女自身長苦非一歸路白楊斑竹西
胥門柳

今年胥門十一月楊柳青青寒不脫彫戈白馬黃須郎
朝朝忍見行人別行人吳頭或楚尾心趁飛花度黑水

避暑鑾輿狩未回都人南望思投筭都人泣向都官道
塞北江南柳還好風纔露沐恩既殊報答春光願終老
君不聞虎狼之秦六國雄可憐千丈泰山松至今稱是
大夫封

君莫疑

日不偏照天無私丈夫明目張膽為龍蛇大澤實同處
家富身榮君莫疑亞父還鄉遂亡楚魯連去國翻全齊
載拜載獻玉東西疑多患成將噬臍

今日何日四首留別龍江諸名貴士友時甲辰九

月移居橫泖

甲辰為明太祖吳元年

今日何日白露稀東家西鄰柿棗肥紫蟹登留魚上磯
大兒借舟女澣衣載遷避地身莫歸

黃獨未大黃精疎瓠壺牽蔓滿前除木犀花開陰覆書

我獨何心亟離居感子載道

作遺雙喜嘉魚

今日何日天風涼僕奴整齊車馬光青衿玉珮鶴髮黃
襍然執酒踞道傍與我面別心不忘

今日何日潮大來天風送我帆當開匪君之故重徘徊
人生所貴無嫌猜春明再過江上臺

避地無錫

武臣弄兵連西鄙白馬東人火桑梓婦女往往殉節死
扁舟載家南入吳祭器之外貲無餘寸心已逐越鄉鳥
十月暫食梁溪魚濁醪泥濺好濡首金印斗大莫懸肘

葉公政還金辭

有序

公政字克明淮陰人國初行宣政院都事李實之子

翰林直學士蟾心之從子也至正甲午政以浙省幕
吏奉布延平章檄轉餉鄂閩時丹陽富民束子章先
與是役會飲于蘄氣合即以兄禮事政未幾起赴沔
束泣別曰弟令濟大江涉重地兄言行篤信願以貲
相托政謹藏之越兩月束之友朱率其奴來報曰束
不幸入蓮臺湖遇盜死矣政拭淚曰束已矣家固無
恙也勞之去明年事竣還鎮江要束氏啓囊緘得鈔
二百五十緡黃金五十兩銀三百兩珠八千枚衣帛

有差歸之束氏餘鈔五十緡黃金五兩銀五十兩珠
千枚有朱題封歸之朱二氏盛醴饌以謝辭之前國
史編修官膠西張復初嘉政義高為著還金記且稱
政幼知讀書澹利祿嘗從平章克池之諸縣破蘭溪
渠魁徐貞一平蘄水寨司輜糧四年無纖芥譴何平
章凡七薦中書不報人謂公侯子孫必復其始天道
豈獨遠耶至是逢播之詩曰

蘄春肥羊采石酒君為玉昆我金友夜談接膝晝握手

乾坤意氣同高厚
霜風吹蘆客衣薄
濕雲羈鴻飛漠漠
蓬牕篝燈照裝橐
嗟君遠行感君托
蓮臺湖深浪拍銀
鷗鵠杜若傷心神
天生禍亂有今日
誰謂交游無古人
葉郎還金何愧竇
禹鈞

題謝伯理同知義山卷

范公有義田謝倅有義山
溪清土沃厚什伍其冢橫雲
間旁分畛域共神道金銀無
氣應長好松根月冷鬼燈
花松上風吹女蘿草
禁烟時節爭祭掃
多是遭兵去鄉

保散牲一任野鴉銜焚白還將心事禱舊魂既安忻往
回新骨未掩母悲哀子孫繩繩世種德盡買九峰為夜
臺

題錢慶餘綾錦墩

華亭東有蟠龍塘塘上姓錢人種桑就陽避濕淺布子
畦分疇列如針秧封培愛護長尺許畚鍤爭移春社雨
情農報德也自竒一本約輸雙簣土土高過客相指語
千綾萬錦登城府懷材莫救時斂徵存心尚紓農困苦

侍御

周公溫伯

題名綾錦墩錢郎嘯歌墩樹根但願一絲不

到體老着布袍青苧村

題蕭翼賺蘭亭圖

右軍蘭亭書繭紙五朝天王但聞耳不謂虬髯龍鳳姿
密遣行人來賺已嗟爾何必飲恨死舊賺君親晉陽起
君不見萬年弓劍橋山藏玉柙曷為溫涵防

孫皓城磚歌

磚左有大吳寶鼎二年歲次丁亥造十一字左字下一本有邊字

古磚一片莓苔質傳自夫差臺下出埏埴由來寶鼎年

字畫依稀皇象筆當時民勞甚蒸土鉄甕堅城堪比數
可憐不久歸典午山人揮淚重摩挲天意天意將如何

劉夫人

劉夫人至正太尉吳王嬪笄珈車服置弗御淡烟常鎖
雙睂春中州援絕敵在目叔貴日驕疆日蹙背城借一
王本心狸埋狐搨將軍欲夫人勇決烈女義百口樓居
親舉燧片時陰慘萬古生月明風清珮音至君不見男
兒成敗古有之孰以楚霸輕虞姬蘇民安得夫人祠烏

栖白鳬庶少衰

挽梁先生

名益字友直號庸齋三山人有詩傳旁通行世

燕人吳雲二月前先生獨上馬洲船方期花柳陪行樂
不意蘋蘩薦豆遽萬里乾坤空老眼半生風雨共寒羶
長沙鵬鳥悲王傳滄海鯨魚歎謫仙幸有官奴繼書法
何須驥子誦詩篇有人願守三年墓夜看文光直上天

寄陳昌道檢校

時淮藩復濠泗徐邳等州

右轄揚兵甓社湖淮臬

一作籊籊

艸木遂全蘇登萊海色浮

樓艦蒙羽山光落版圖白獸遠瞻霄漢闥玉麟頻剖廟
堂符烟青土鏹遺民喜月黑沙場舊鬼呼謾說楚材多
用晉從來郢曲盛傳吳延陵君子初觀樂南郭先生久
廢筭田野舊游應不忘風雲壯志合長驅中原平定尋
盟日咸賀軍誰得漢儒

奉寄楊宣慰

天王重紀至元初視草金鑾異直廬中夜前星懸虎穴
早時旭日駕龍車兵還侍衛孤臣竄

謂巴延丞相

詔下雲霄

五色如陸贄大才行倚馬張褒長嘯遂焚魚山居宸翰

輝泉石奎閣碑文重里閭盛績一作蹟有光楊少尹內廷

深憶鄭尚書一麾出守桐江上千室安全劫火餘公守建德

時淳安盜公親諭以安外閭思瞻新斧鉞故園歸伴侶一作老樵漁

白駒春靜嘶高柳黃鵠風清戾大虛丞相敦行上尊禮
時應葛嶺候仙裾

酬謝杭州見簡

秋日高居樓上頭倦拋書疏看雲浮生涯自信孤蓬轉

好事還陪五馬遊
簾展竹深香噴鵲
詩成花底玉鳴球
人才孰與元暉並
郡政羣推叔度優
露泣銅盤卑漢武
潮回犀手壯錢鏐
觀君注意尊王室
豈但疲瘵獲少瘳
奉覽采丘文
定公江淮宣撫使
加官誥命為公六

世孫嘉興主簿文海賦

長淮繚繞舊河山
五色花綾誥載頒
王室偏安劉岳後
人材深倚范韓間
重城月夜疎扃鑰
北騎風秋密轡環
宋後金亡為善報
題詩欣對綠陰閒

寄聞雲菴道士

冰瀉清溪洞府真別來二十五經春
人間忍見黃金雁海上思乘赤玉鱗
身自一閒猶是客髓凡三洗未離塵
琪花樹滿雲深處頭白林宗擬掛巾

奉題宋謝后之祖太師觀文殿大學士益國公深
甫封衛王追封魯王二誥後王之六世孫鐸字振
文有詩名黃岩秀嶺巡檢其子瑛以茂才薦授安
仁縣諭不就隱居海上

當年后德配闕雎王後雲仍盡讀書喬木家山烽燹外
五花官誥喪亡餘源淇左右鸞鑣遠蒙岱崇高鶴帳虛
豈藉椒風歆寵渥伏波勲業日星如

贈王履道還江都

有引

履道名貞乙未歲避地吳下久之太尉張公開藩博
采羣材遂以湖州德清學諭辟之不受時予亦以承
德郎行元帥府經歷辭及予隱海上而履道已客授于
此今年戊申始過其醉琴之所且聞先隴獨免兵禍

行治裝歸里葺墓廬有日子是贈八句以見履道出處同而孝義非予所逮也詩曰

斧鉞藩開任俊良君辭儒校我辭郎青燈淥酒同今雨
袿褐窮櫪度十霜膾斫鱸魚初上水樓焚燕子不歸梁
揚州月在簫何處廬墓無殊衣錦光

送郡萬戶甘一作尹靜如巡海漕

元勛世胄濟時才金虎三珠燭上台鵲起野田旗影動
馬穿官柳珮聲來伏波銅柱諸蠻讐下瀨樓船萬弩開

饋餉漕通醑饗暖巫門山築雅歌臺

送郡守靳利安攝江浙理問

省臨吳越位崇高西掖仍開大理曹非比迎猫空雀鼠
竟須投轄掣鯨鰲峰當南北無移筆海入江淮有建旄
上相待叅帷幄政肯容偏郡獨賢勞

讀閩僧謙牧隱所題雁宕大

一作火

龍湫西瀑布常

雲展旗天柱卓筆雙高峰詩

一作雙鸞
逢閩詩神

予為之色

動槩括一首

雁宕龍湫氣混濛展旗卓筆勢爭雄
翠紳霄漢雙鸞影
玉立東南一柱功興入常雲飛夏雪醉看高瀑掛晴虹
總慚尊者空諸有萬木圍岩夜自風

送梅判官子玉之崑山

白茅連港海風高文筆蘄峰保障牢
萬舸待輸中國餉
千金爭買外蕃刀疎烟落日烏鳴

一作烏鳴

卷濁浪流水

上缺

文一本
作流水

馬飲濠

一作濠

非復曩時歌舞窟
屏篴車

一作單

駕

莫徒勞

觀大府除目廬宜興希文改知崑山奉寄四韻

使君紫馬被金鞵七載宜興屢被圍寸土曾無蜉蟻援
餘生終與鴈鴻歸寒留松菊風霜節春幹東南造化機
喜有老成同在選山人何厭薜蘿衣

月夜宴上海馬千戶敬常吟壘徵詩醉中走筆

露涼秋濶海涵天酒湧金波月滿船坐對龍光南斗下
意行魚復亂沙邊長城李勣元無學清嘯劉琨晚可憐
野樹烏翻岳漏盡醉狂惟覺步兵賢

冥鴻亭偶題二首

春陰過却幾番風
野杏山櫻霧雨中新
水綠塘鵝並浴
嫩寒茆閣燕微通
大兒稍熟春秋例
幼女歡趨組繡功
四十今年渾足意
酒炊香滿巷西東

一家無事樂清寧
寄目冥鴻野外亭
江水未分南北限
月明常後畢箕星
子生猶櫟垂垂赤
蔓長鴉藤故故青
天意物情應有在
且須料理相牛經

答僊嘉定公文遣書使請觀上丁禮

令兄御史未官時數會金陵卞壺祠箕尾上騎雲漢表
雁鴻南寄海天陲三槓燈鼓春聲接五桂鄉閭夜夢馳
祀典况修酤禁弛扁舟穩赴上丁期

謝王真人茂修送蒲馬

當作謁詩
首句同

送來蒲馬絕輕柔野服黃冠稱遠游便欲天壇朝昧爽
更從華蓋立高秋望中弱海平東瀉脚底罡風直上浮
却過緱山並驂鶴玉笙吹月鳳麟洲

和楊文舉提學自壽及喜得孫詩韻

三鱸堂開宴佩紳鳳凰枝長碧梧春豈但陳羣稱大父
早應羊祜省前身幾家暮雨千江隔十載秋風萬國貧
獨有高門文脈盛明珠重映白頭新

題王好問進士松瓢齋虞奎章書扁

一瓢何在萬松間閣老知名為寫顏貧窶素甘居陋巷
幽貞時復夢箕山石花照夜青牛出天籟鳴秋白鶴還
星有匏瓜爛雲漢未應濩落遂投閒

聞何上海子敬毀淫祠開鄉校因寄四韻

名縕吳陵人一

作名

緯

魚米駢登橘柚垂備聞佳政起深思
女巫罷進神絃曲
鄉校新陳魯頌詩風葉晝埋公館靜
霜鐘寒度海雲遲
高天鴻鵠東回首亦欲朝陽借一枝

奉寄靳太平處宜

江東道院古名州山卧蜿蜒渚伏牛
淮楚寒沙侵渡闊
湖荆春水入天流登臨每起詩人想
保障頻分太守憂
仍繼允文英偉跡蔽雲犀甲從輕舟

奉陪貢泰甫侍郎翟仲直州尹丘文中教授遊君

山貢有詩屬逢和程儀可幕長為序山有春申墓

港入黃田似野壕山橫鵝鼻淨江濤珠光夜冷三千履

金背晴浮第一鰲太守政聲南斗逼侍郎辭氣五雲高

吳帆楚馬

一作鳥

來無際愧屬吾儕肆

一作對

酒豪

奉寄翟池州

名諒

清溪亭前五馬鳴九峰樓上一琴橫蛟鼉夜靜聞更漏

草木春深識姓名上國驚心淮浸

一作浸

隔故都回首毫

雲平篇詩不盡桐鄉愛江雨江風白浪生

謝李良臣趙芳仲二判官枉顧

辭闕歸來今十年一家八口在書田已甘夜雨燈相共
豈有寒灰火始然白簡近煩驄馬使錦袍時過玉堂仙
長才自是為民望憂國何時奏一篇

題乙酉冬信州諸名游所送逢護母櫬還鄉圖詠
後

溪山漠漠樹號烏老弱天寒總在扶遂有致芻徐孺子

尚多送麥范堯夫死生不變金蘭義離亂猶存水墨圖
恨坐停雲詩後續月明千里影同孤

無錫寓隱謝王左丞彥熙攜酒饌遠過

玉帳旂旌拂紫冥樓船神物護青萍

一作濟

風雲密擁將

軍樹江海孤懸處士星深愧艸茅優簡拔未忘蒲柳易
飄零竹西歌吹高陽酒喜為尋春過野亭

贈孝翟道士

翟字惟存

一作性存

嘉定人會兄弟相繼歿母范哀義挈

以養子

一本上有請字

師孫一真孫如其志焉

孝翟道士名守常結喉長鬣氣老蒼諷經得錢低小屋
汲水煮菽玄元廊席帽山人為裏茗天厨神丁當饋漿
似聞仙桃爛紅熟王母昨離瑤池傍

送淮南王右丞分戍浙省

太尉親觀神策兵右丞分戍武林城浪花曉夾龍驤動
邊草春隨馬足生地仰舞

當作粵

蠻衣繡錯天低牛斗劍

花平遠來鄰睦圖宜早別業青衣取次行

奉和周大叅伯溫送還龍江寓隱韻

家寄青龍白鶴江徘徊落日影成雙
賓筵久謝元王醴親隴猶依季子邦
春老鳳梧瞻省掖秋遺蠓稻接漁矸
君侯過譽慚何敢未許雞鳴近北牕

壬寅夏兜掖自杭應鄉試回龍江寓隱得故人戚
均玉書餽是日杜敏瞿度賈貫三友同飲冥鴻亭
上

大郎新觀場屋回故人書到

一作對

好開懷

一作懷開

烏帽偏

稱水晶佩酪粉方進白蓮醅高視橋頭月波湧醉眠亭
下天風來一時三友詩興發老筆不知何所裁

贈孫士能照磨

名恒濮
人明易

離離霜木聳蕭晨海上栖遲亂後身不忝杜陵歸白帝
復憐江革護慈親文風地入雞豚社雲漢天臨蟣蝨臣
猶有大麻書斷絕東陽山水數凝神

送祝洞天真人奉皇太子令旨降香名山川

羽駕春辭靈武城東南雲氣

一作起

動心旌萬重山落炎

荒野十二樓開白玉京周穆久應聞八駿劉安一作子喬何

得問

一作應

長生龍香願為斯民祝歲晚相期說治平

題馬季子懷靜軒有序

懷靜軒居延馬季子所創也季子之先曰伊克曰埒克
珠自永古特部族居靜州天山一傳為實喇卜古實仕金
死節諡惠愍血食汴之褒忠廟二傳為雅爾噶廩北入
見憲宗皇帝以白衣官斷事從世皇南征以勞拜禮
部尚書諡忠懿三傳為世昌尚書省郎中四傳為禮

宣政都事五傳為祖中浙西監倉使仲氏祖常繇進士第一人官至翰林大學士六傳為季子隨都事公居于淞之竹崗軒以懷靜名不忘本也敬題詩曰馬石

田世系于此得詳

爾家世德肇居延忠義勲名兩代傳碧血濺波歸九地
白衣扶日上中天鳳毛麟角聯青紫春雨秋霜隔隴阡
惟有終身誠孝切祈連如見氣蒼然

十二月廿二日為重陽王真人誕辰是日立春在

淞江長春道院瞻拜真人及七真像敬題薛一山
丹房

寒盡東風破曉陰
真人遺像儼如臨
山中霞熟千年醞
海上蓮開七朶金
朔地興王資化力
鈞天朝帝動仙音
私忻泉石膏肓久
終日凝神紫氣深

登鶴坡道院寥陽閣為王雲岡外史題

咸淳地閣聳寥陽
丹碧瞳矐照下方
海嶽夜朝笙鶴駕
星辰日侍袞龍章
太清玉境何高爽
九有黃埃苦混茫

蝼螳小臣身草澤寸心徒曳五雲鄉

寄福建叅政景福仲禎令削髮為僧名福大金前
南臺御史綽羅時中仲子也

一門忠孝世三傳節鉞弓旌映後先白業漫脩三竺境
丹心老戴八閩天雁違寒雨菰連澤魚上春冰瘴少烟
為報舊游王樸在最閒林下亦逃禪

奉題招討使台州石安撫雁蕩能仁寺遺詩後

詩附

嵐霧開明雁蕩山元戎旌羽建禪關五花吐筆天龍擁

三箭收功士馬閒
兜戴舊恩餘
噍類孫全遺
體幾憂患
一春風雨相將晚
醉覺省間喜色還

我行天下山水半側身
西望長嗟嘆
山到蜀川方絕
竒世殊久被微官絆
萬里提兵雁
蕩來高牙一展嵐
霧開松風吹騎聯
鑣入高日下照
緒經臺老僧振錫
去何所香篝寂寂
佛無語山鳴谷應
應者誰似有秦
民宅幽阻姑休爾
旅枕爾鋌雲深不
得驚龍眠水簾
一派瀉琤玉歲與
清氣中洄沿二三
溪確長林下人

力罷春天所借草香花淨太古春虎嘯猿吟明月夜
幽尋靜勝登嵯峨鸞旗柱筆光影摩詩成寫破峭壁
翠稽首岩前諾巨那

公諱國英號月澗宿州靈璧縣人金季時居材官下
僚元初用文武才仕至福建宣慰曾孫宣武將軍松
江萬戶瓊嘗乘遽道經寺得詩于老僧云僧且言公
初入台秋毫無犯士民豫附既移鎮有告叛者大將
欲獮難之公請再行叛者更生焉瓊復棄戎行獲歸

隴畎今年春偕倩曹生搆訪予風雨下出卷誦之殆
見公存心仁律下嚴悠然雅歌而神采炳如也祖作
孫述孝念其可泯乎乃併序而歸之

覽金應奉李獻可所撰叅政遷平陽尹弘州魏公
子平致仕語及墓碑為其九世孫山東運司知事
貫題

棟梁材具玉清溫祿養高年荷國恩短葢犢車臨綠野
御厨麋脯遞黃門墓碑莫罄忠純蹟誥墨猶含雨露痕

因誦當時小堯舜不知溪上草烟昏

讀白寓齋詩有序

寓齋字君舉金之隩人登泰和三年詞賦第後棄官
隱居教授與元遺山趙閒閒相頡頏樂城李治序其
詩曰龍韜雷厲于紛拏之頃玉唾川流于談笑之間

逢觀其題靖節圖有云咄哉靈運輩危

一作竟

坐衣冠

辱何如

一作誰知

五柳家春雨東臯綠風節概可想見

併錄其酬元公八句云夢裏薰風湛露歌花開漢

苑舊經過拾遺老去青春暮司馬歸來白髮多橫槩
賦詩吾豈敢短衣扣角夜如何相逢未盡相思話草
色連雲水碧波弟文舉亦登貞祐進士第贊戎政著
功當時馮西岩內翰有科第聯飛光白傳之句稱儼
云

太白南流昴漸高樂天退隱擅詩豪中州河岳歸元魏
彭澤風烟入晉陶茅屋不眠歌慷慨金源回首意牢騷
當時耆舊皆陳迹何處青青沼沚毛

宋楊后翫月圖詠賜兄提舉王一大尉為朱生孟
清題

桂松交葉露光零
複道爐香引翠輶
雉尾扇開張樂地
鳳形山抱望江亭
一時萬里水田白
幾載中原野燐青
罷覽遺圖按遺調
寧皇應恨不曾聽

將投海

一作授淮

上自鴻山往泰伯續到王左丞以父

老言言馬跡山漁商小船非攻守具得釋歸五百

五十人及

上有數倍之三字

回舟八句寄左丞

韋褐清遊馬跡西
忍聞篁竹鷓鴣啼
雲昏赤地沈天狗
月落孤舟背水扉
小戶漁商聊復業
深憂父老不遑栖
釁連楚越非吳計
須是宗周與會齊

宿馬跡山殷煉師道院既還鴻山留別八句

一本殷字

下有南山二字

道士偶見苦竹灣
留我養高松
桂闕龍蟠大澤雲
水晦馬跡巨石土
花斑綠章奏夜百
靈集素髮看春一
鶴閒忍上歸舟却
回首裊裊清磬烟
嵐間

張孝子有序

孝子諱天麟字仲祥平江之嘉定人祖瑄江西叅政
初從忠武王下江南既航杭城宋圖籍重器自海入
朝復建策海漕江南粟世皇特寵任之由是與河南
左丞崇明朱清貴富為江南望至元末儉人姚衍誣
二氏瀕海懷異志上不聽詔丞相旺扎勒曰朱張有大
勲勞朕寄股肱卿其卒保護之成宗嗣位未幾疾后
專政樞密斷事官曹拾得以隙踵前誣后信輒收之

丞相旺扎勒奉先帝遺詔諍莫解叅政竟獄死籍其家
沒入諸子女或竄之漠北麟時年甫冠諸王有欲奴
朱張後者麟長喟曰吾先世戮力王室一旦無罪廢
乃忍奴我族耶泣訴將作使索多為奏占匠戶諸女
亦入繡局麟猶以寃食不甘味寢不安席大德九年
春訟之省臺弗理夏四月上清暑上京麟拜輦道左
有命侍臣代問旨未得又伏東華門欵轂流涕不輟
言甚哀婉歷陳先朝碩過為讒佞搆陷狀尋勅中書

省遣使召還竄者改父文龍董日本賈舶大司空大順公于武宗朝奏免其匠役及繡局家令某啟皇太子以麟直宿衛至大三年選授麟絳路坑冶提舉弗就曰貨坑吾家尚何坑為仁宗御極眷幸益隆載念曾大父未有葬地其上海之烏涇別業叅政尤樂之即陳請于上上曰此孝順之道也詔還其籍復為議者沮延祐二年春再請感切始如其志秋八月撫藏以祖妣太夫人趙祔時王清獻公自都中來會葬以

上所嘗語題其門曰孝順之門元統二年江浙平章雅克布哈薦舉終不起麟晚通易子守中前鄉貢進士嘉禾俞鎮為著誌逢括其槩系以詩

二朝雪涕大明宮咫尺威顏卒感通百輛珠犀賜寶藏

十區

一作圍

松栢倚青空天妃罷燭滄溟火野史追揚孝

里風誰謂奸臣終愧漢石榴首宿也封功

李司徒堅留不果既而送防護舟楫軍帖詩東呂

掾實

上公折節禮殊優復送軍符護野舟
鵝蕩遂專歌孺樂
鴻山寧負采真遊
亂雲石磴高垂蔦
落日烟坡下飲牛
席帽先塋青在望
幅巾行從萬貔貅

遊孔宅寺題僧文宗魯房

九曲溪行地百尋
墩名宰我歸如岑
居僧幸淑詩書教
過客疑聞金石音
芝州鳳麟空日落
桃花雞犬自村深
一盃罷奠衣冠墓
試問衣冠淚洒襟

墓已為盜所發

八月五日

八月端午天南風痿卧輒起坐牀東野堂掀茅見太白
庭樹落果走兒童五湖浪高鰐族橫三山根浮鼇力窮
安得飛車訪列子一瞬雲征萬里鴻

和答張光弼判樞

湖上三峰一草堂春風回首兔葵長似聞平子愁機密
終使何人號最忙西蜀櫻桃詩有在東家胡蝶夢相忘
登樓詞賦工無益頭白為農二陸鄉

和答孫大雅教授兼東吳蔡二氏昆季二首

梁紇祠荒磬罷編東家書就幸逢年階庭並列封胡秀
故舊新承雅頌篇桑外影長西崦日硯中光倒始青天

我家攝拊非戎比姑傍旌陽種藥田

時兩兒從許
太和習醫

頻年歸盡首丘孤兩地初休繞樹烏伏勝終身秦博士
王符甘分漢潛夫絳桃飛淚袁松宅翠荇牽愁陸瑁湖
吳蔡慶門親且好不知能為秣驪駒

聞吳門消息二首

百尺齊雲半壁開陪臣猶進九霞杯蓬星氣白干天棓

苔水烽青入露臺盡擬田單收故土不期高幹損雄材
淮魚信斷燕鴻隔吳樹蕭蕭葉下來

承制除封八鉅州士恬馬飽正逢秋三年弟傲羣情懈
十月城圍百戰休海島何人歌為挽華容有女淚空流
唐亡遂使諸蕃感板蕩將貽上國憂

無題五首

五緯南行秋氣高大河諸將走兎曹投鞍尚得齊熊耳
捲甲何堪棄虎牢沂隴馬肥青首蓓甘梁酒壓紫葡萄

神州比似仙山固誰料長風掣巨鼇

天槍幾夜直鈎陳車駕高秋重北巡總謂羽林無猛士
不緣金屋有佳人廣寒霓仗聞華月太液龍舟動白蘋
雪滿上京勞大饗西封華嶽吊秦民

白衣艣渡吳兵赤羽旌旗奪趙營灤水天迴龍虎氣
榆林風逐馬駝聲靚妝宮女愁啼竹白髮祠官憶薦櫻
猶有海鷹神不王鴛鴦高去塞雲平

五城月落靜朝鷄萬竈烟消入水犀椒闥珮琚遺白草

木天圖籍冷青藜北臣舊說齊王肅南任新聞漢日碑
天意人心竟何在虎林還控雁門西

十載羣雄百戰疲金城萬雉自湯池地分玉冊盟俱在
露仄銅盤影不支中夜馬羣風北向當年車轍日南馳
獨憐石鼓眠秋草猶是宣王頌美詞

後無題五首

前后皆悼庚申北狩事

一國三公狐貉衣四郊多壘鳥蛇圍天街不辨玄黃馬
宮漏稀傳日月闌嵒紹可能留濺血謝玄那及總戎機

祇應大駕懲西楚弗對虞歌北渡歸

吐蕃回紇使何如馮翊扶風守太疎范蠡不辭句踐難
樂生何忍惠王書銀河珠斗低沙幕乳酒黃羊減拂廬
北陸漸寒冰雪早六龍好扈五雲車

回首崑崙五色天疎風落日重徊僮駕驂八駿非忘鎬
臺置千金鑿慕燕地限上林雲過雁雪封西嶺樹啼鵲
遠慚行在周廬士橫草無功自晏眠

險塞居庸未易劇望鄉臺上望鄉多君心不隔丹墀草

祖誓無忘黑水河前後炎劉中運歌東西元魏百年過
愁來莫較興衰理只在當時德若何

黃河清淺海塵揚陝月關雲氣慘蒼寧復明珠專甓社
尚論玉兔踞金牀衣冠並入梁園宴簡冊潛回孔壁光
私幸老歸忘世事梧桐朝影對溪堂

舟過吳門感懷二首

躍馬橫戈東楚陸據吳連越萬熊貔風雲首護平淮表
日月中昏鎮海旗玉帳歌殘壺盡缺天門夢覺翮雙垂

南州孺子為民在愧忝黃瓊太尉知

強兵富境望賢豪戴縱垂纓恨爾曹一聚劫灰私屬盡
三邊陰雨國殤號江光東際湯池濶山勢西來甲觀高
形勝不殊人事改扁舟誰酌月中醪

奉陪何禮部

縮

蕭揚州

二公皆郡守

劉總管

若水

侯治中

邦

郡判官鄧

定

知事陳

文杰

教授翁

仁實

赴理幕

蔡

廷秀

澄江義塾率衆執事行鄉約禮逢次理幕

韻

術序行鄉約衣冠集寓公駿奔多秀彥瞻仰及愚蒙化
煦芹邊日仁行草上風盟卑齊相管禮鄙漢臣通義變
延陵俗心歸呂氏功題詩重起廢非敢銜雕蟲

覽周左丞伯溫壬辰歲拜御史扈從集感舊傷今
敬題五十韻

華夷今代一畿甸上京遙遊豫循常度恬熙屬累朝六
飛龍夾日獨角豸昂霄御史箴何忝賢臣頌早起咨諏
新境俗觀采衆風謠文用彌邦典忠惟振憲條執徐當

景運仲呂浸炎歊愠解民心結煩除聖念焦雨工趨汎
掃市令薄征徭大口謹移蹕庸闕肅衛刁緡雲峰立曉
鄰月水涵宵徼道臣臣俊清塵騎騎驍豹軀嚴御勒駝
象妥鑾鑣儀仗真如畫車徒不敢囂侏言來部落皮幣
贄荒要岳牧恭迎舜封人願祝堯六宮程緩緩列寺思
飄飄絲裊雙行鞶璆鳴雜佩瑤寶鈿榆莢小錦罽草花
嬌綉襖珠鞬絡香鬟玉步搖婕妤辭並載王母會頻邀
拾翠深沙嶺梯虹複澗橋天長躔北日斗近建南杓珍

味高陀鼠丹馨散地椒盧兎分逐兔土屋競停鵬白貉
衣溫座黃羊酪凍瓢桓城金合沓灤闕紫嶠曉社稷尊
王統山河固廟桃明明神爽降秩秩禮文饒寵遂光幽
朔畋同閱獮苗蹕林圃已舉欸塞福皆徽棕殿三呼歲
楓墀九奏簫祝融回酷暑少昊戒靈飈舊制先回輟良
辰次起輶謝恩多帝胄紀實得臺僚至治音俱雅於皇
德孔昭相如慚禪議謀父感祈招蕞爾斬興祲紛然顙
煽妖漕輸橫蜃鱷衡祀缺簫蕭邊警初傳箭軍容半珥

貂荐添烽燧迫有甚火雲驕袞服中垂拱薇垣外寂寥幾
多遺鶴髮曾共望雞翹二洛遙通晉三韓復入遼不無雙
國士止賴一嫖姚求劍舟難刻更絃瑟好調扶顛須砥柱
撥亂豈芻蕘戎幕辭巢父詩壇老伍喬式瞻阿閣鳳馴止
泮林鵠併論公殊蹟吾知道董鼂

寄俠正字君遷

君遷正字職秩視校書郎太乙藜分焰銅仙露湛光鵷
班清漏裏鶴駕靄雲傍署轉宮花密溝迂御柳長芸牕

填竹素蓬觀啟銀鑄魚豕知訛舛鉛黃屬訂詳聖王經
貫道家世桂名坊一氣根幽朔羣英萃豫章比蒙青眼
待益見白眉良傳癖稱元凱文宗得子昂冠將我獬廌
豺已避康莊大器遭斯運凡材信彼蒼哭親風瘴邑懷
友月蘿房病謝臺臣薦書煩驛使將暖餘牛背日寒遠
馬蹄霜野褐方山帽畦蔬德操桑策陳憐賈誼裾曳恥
鄒陽任性何孤僻傷時或慨慷園丘虛墀墮太廟攝烝
嘗珥筆誰丹宸紆金盡玉堂海涵恩靡極袞補責宜償

十樣牋霞采雙壺酒雪香珠璣新傑作龍虎古雄疆好
約重觴詠秦淮夜對牀

哭中書兵馬都指揮使邵維翰可大

有偉睢陽彦嘗歌北上行禮羅賓相邸板授倅山城
既察淮陰叛旋趨洛下營鳳池臨節鉞虎衛掌農兵
編戶牛千具圭田黍一成孔明興漢室管仲會齊盟
盛業期王輔良圖寫雜畊癸庚呼密邇戊己寄非輕
赤汗屯中饁髭髦馬首纓春醕朱鷺翽霜獵皂鷗橫

望眼空梅子剛腸厭蔓青坐談機孰失憂憤疾先嬰泣血
孤兒淚扶喪外弟情雲黃低畫翼雨黑暗丹旌越霸傷
吳沼秦雄駭趙坑荒涼蒿短氣嗚咽隴流聲誰料餘生
辱君為蚤死榮美詩樓舊倚高論座曾驚薦菊寒泉冽
懸芻古木清仙游費公院尚覽我題名

同工部觀員外飲餞治中第

山人籠席帽星使屏旌旄樂共鴛鴻序身殊犬馬勞輕
裝空惹淚大杓灑葡萄雪落蠻

一作蠻

刀鱸雲開碧海鼇

北頌書尺一南餉粟千艘傾蓋忘分手天清斗正高

遊簫山 有序

簫山距華亭州六里土宜美箭故名橫泖襟帶流石
叅錯東向壁內一石斬斬中斷俗傳南有千山此則
千將試劍石云宋張頭陀雨華洞久塞玉竇泉殊寒
冽可味逢交謝逸人守真始獲盡觀山之秀蘊其不
羣不附殆類古特立獨行之士卓卓物表者蓋九山
之宗庸衆固弗識也逸人自九世祖二十進士仲華

韜德此山至今詩書仁義之澤未艾又居民率多壽
考詎非風氣淳厚所致耶逢既遺逸人北丘畊隱歌
復表出是山書置山僧德誠菴壁後有青鳥者流過
焉庶逢之言有質也時至正甲辰仲春望同遊詠者
謝守真陸綱余寅釋德慧鄭里謝椿詩曰

地主多儒雅居僧亦不羣
泖橫孤嶂立野濶九山分石

裂蒼龍氣泉渟玉竇雲燕巢猶舊月

一作壁

馬鬣幾斜曛

久亂殊風景茲遊隔世氛
天邊詩趣得谷口足音聞童

孺樞趨慣

詩趣得一
作詩思起

朋儕倡詠勤桃花吹酒暖草色上

衣薰畫俯金銀界平

一作科
疑評字

觀隴畝文芳隣行可接芟

製莫輕焚

簡夏嘉定

百里繞吳烟重過喜地偏深城遲閉戶細港倒回船暮
沙蛭開甲秋原木放棉民風返淳厚正賴使君賢

扁舟

扁舟何所好日夜不相離風雨情難測山河影暗移采

蘋游女慣載鶴去官宜一任無依著黃頭莫漫維

題日本歲大徹上人眇海軒

地極東三島天旋外九州羽車仙或到龍藏叟同遊赤
岬銀河合珠星璧月流高居任清淺不暇數添籌

題章叔敬詩藁

誌銘後附

同舍生長往平居詩思閒疎星澹瓊樹高閣遶青山謝
吏楚氛下哭親吳苑間山人誌墓碣應解舊愁顏

君諱齊字叔敬姓章氏少喪母趙鄉貢進士子方陸

關器其侍父文殊孝謹許妻以孫女長善詩尤好琴

有田膏腴有宅靜遠

一作遠

暄晨涼夕藥闌竹嶼俎腍

豆腴奉卮壽樂甚

一本無甚字

愉也至正十五年八月守

臣構亂遂謝吏祿奉父隱淞上亂定歸踰年城復陷

時父外往齊草舍露行間道訪候兵後躡奔吳門且

物色諸昆季姪姓之流散者而父終不見乃哀毀致

疾七日呼子庠具紙筆書蓼莪詩首四句卒壽三十

七子一即庠也女一

一作女瑄

尚幼庠以鄉里梗隔姑葬

上海之奧原明年衰衰持徐嶧狀來拜請銘逢以齊
生同里學同舍于庠荐有師友之好因不辭銘曰始
焉同歸終焉分攜孝乖慈睽祇繫亂離死可以無悲

劉節婦有序

劉冀之衡水人年十二通古文孝經見小學書固請
讀之母不許一日聞諸兄誦至姆教婉婉聽從復請
于母曰此亦女子事遂通內外篇及笄適同郡曹泰
才五月紅巾陷河朔曹故大家避兵縣西聊城村賊

掩至大掠見劉居羣人中殊美持刃輒驅之劉曰吾
婦人知從夫而已豈從汝賊也賊冀其悅已乃出金
珠寘前以綺衣被劉劉手裂之賊擁上馬墮地者數
四賊怒繩其項繫馬後曳之劉以爪據地頭觸地石
流血罵賊死江西權衡吳興錢震並贊述其事逢詩
曰

芳氣飄蘭茝和音節珮琚遂聞兵死際不失禮防初野
白水霜骨塵黃鳥獸墟溱沔血淨洗好過洛神居

紅紙帳奉朱知事太夫人

奉字下一
本有送字

溪藤百杵成桃浪穀紋生日氣虛暘谷霞光護赤城暖
添顏面益寒隔夢魂清正為高堂壽怡然快雪晴

一作
正為

夫人壽高
堂快雪晴

簡察士安御史時過江陰物色太夫人壽藏之地

山龍到江盡使馬為親留草木黃催暮岩巒碧露秋虞

衡忻伏闕

邇陰功自可求

送闕

宿山中道院

一聲開來閣重岡
亘瓌山美人猿化去
弔客鶴飛還
巖菜藂生石
梅花半掩關
雨來氣清迴
高枕夢俱閒

乙未八月避地前湖三首

兩地初讐殺
全家屢死生
守臣無大過
雄長自相爭
魑魅闕當屋
鵲鷗啼過城
前湖落木外
排難愧齊卿

借地安樵爨
秋烟滿桂藂
禍因貧賤少
詩到亂離工
有妹音徽隔
諸兒起卧同
數畦烏口稻
滿待熟天風

竹底秋光薄
牆根朝日暄
稍通鄰曲好
深荷野人恩
細

雨孤生米新霜芋長孫加餐向茅屋醒眼看乾坤

老夫

兵火餘旁舍天灾剩老夫復愁瀕草澤翻喜罷苛需
白髮心隨短青燈影自孤時清重賜帛能衣一絲無

十月六日見近地起白虹既烽烟亘東北望者謂
是州城未午聞城陷無錫華彥清人船適至遂行

冠帶迎寒旭茅簷見白虹非時乖氣異多暴歲華凶吳

水聯南鷁淮烽斷北鴻去鄉千百損

一作指

悲喜集私衷

陽山寇猖甚移刺元帥留不果遂入吳泊梅林一

首

舟泊梅林寺鐘清欲下霜無家重適國多累獨縈腸野
水相呼雁天衢直上狼貴游旄鉞擁何道致平康

自虎丘復還華氏館二月六日無錫陷親隣幸全

一首

將校知何去親隣喜再生手停杯屢暖慮遠事堪驚世
歇虞薰曲雲連蜀斗城自慚非鄭子谷口只躬耕

密聞貢平江詭姓張平軒遁海上傷懷一首

聞道令張祿羈栖滄海村微吟在野兕暫托避風鷄積

雨吳天缺浮雲漢月昏伍符柄不與千古

一作石

貴休論

丙申八月紀事時自鄉里入吳還華館遂卜隱鴻

山

寸舌解重圍長歌振短衣不成巢父去空似魯連歸蔡
港沙田薄黃山宰木稀伯鸞吾所慕梅李況魚肥

常州江陰再失無錫告警病中自鴻山將遷海上

一首

病就山中隱烽催海上舟連城新鬼哭深壁大臣羞赤
青躔金火炎風汗馬牛遙占女兄弟先已下長洲

次婁門喜姊妹家屬並至遂同舟由巴城湖東下
不盡朋游義深鍾姊妹情小康烟異饗重亂月同行軹
井寒泉咽鍾離殺氣平謂言江海上桑稼待時清

淨土寺天鏡講主母蘇氏歿送葬不及挽之以詩

鄉里稱孀節家庭服姆儀免脩黃蘗行身踐柏舟詩梧

露鳴簪井蘭風遶故樵南州送葬客漬酒獨來遲

哭鄉友承理文簡

性地敦天秩生涯託化居過兵渾棄帑為友獨存書夜
枕長聞鶴朝羹忽厭魚傷懷濯纓下賦昔儼相如

濯纓軒名逢嘗為作賦

寄僧慧朗元白

有引

至元二十五年冬丞相張士信重徵僧度牒錢僧苦
之時朗住持杭之天華寺因斷一臂說四句偈以獻

於是賴免者衆明年春有自赭石來者為求贈言且
云朗鄉之崑山人有道行乃寄詩曰

崑一作崑

時宰徵錢急山僧斷臂歸寸心塵不昧全體月同輝赭
石高風振金城霸業非似聞寒壑底虎子尚號饑

哀公顯道憲史

有引

顯道諱天有歸德之寧陵人至正辛巳以書經中河

南鄉試校靈

一作廬

州儒學正甲午辟淮西憲史明年

從分憲按蘄黃紅巾陷廬母妻女姪舉莫知所向乃

客授吳中既病學者於朱子四書有所未通著思問
錄四卷學者便焉張太尉凡兩聘擢並辭甲辰春有
自廬以母喪來告者顯道北望長號日夜痛心遂致
疾卒葬吳縣筆鎗橋一作塢子某甫六月於乎可哀也

已詩曰

壯日鄉書薦中年憲幕趨親容千里隔世亂一朝俱醴
酒釀辭楚尊羹羹厭吳私憐鵬臆對誰卹鳳毛殊

日本進上人將還鄉國為錄予所註杜詩本義留

旬日贈以八句

首二句一作異域頻來往隨緣獨爾能

重譯歸看母僧中獨爾能上方雲一鉢滄海月千燈雀

舳蒙衝艦龍函最上乘杜詩書法隱母惜授諸藤藤具國中

著姓

寓隱鴻山承無錫張倅罷一境搜粟之擾既李司徒命僚佐物色戰艦鄉鄰徐氏船在拘籍中予以家船代之口號謝張及司徒僚佐

舊亂經重坎新僑感二天境無搜粟尉鄰有載家船勸

趙嗟夷甫宗周仰仲連鴻山爛白石容卧紫蘿烟

中吳採蓮卷重會前州牧

有引

州牧西域人江陰達嚕噶齊也比任屬城破聽調無
錫軍中無錫亦破被繫九月予偶聞言于今左丞王
晟得釋焉且自具人船餽飲送其還牧德予以奴奴
予予為謝予辭不受至是重會徵詩詩曰

故侯囚楚日予客亂兵間片舌非圖報長鬚遂却還荒
烟深井白大雪幾闌山偶會愁長別吟鞍荷再攀

題余忠愍公所撰兩伍張氏阡表

有引

張昆弟二人景星諱共辰景山諱竑並以儒學官累遷景星霍丘主簿景山滁州判官天永仕淮省員外郎謝病隱居教授

關

止景山孫也

東淮海王國兩伍世儒家驚驚春聯瑞龍蛇歲起嗟天文新日月阡表古烟霞賢後承餘慶辭官喜鬢華

懷唐伯剛

有引

伯剛名志大如臯人嘗為淮藩統兵無錫裨將擄巨

室甥女以予言徵還之

最憶吳興守當時義莫湮軍中歸瘡婦堂上舍詩人野
飯彫胡滑山齋寶晉新文蘇美風韻想見雲苔賓一作濱

聞中書平章丁公死節其子伯堅嘗從予游

明公冠豸日獨客病蛇秋幸得為儒老承聞殉國休青
城無化鶴函谷斷歸牛惟有南倖鬼陰風西北羞西一作面

哀故淮省郎中海陵俞忠夫有引

忠夫諱齊賢本陰陽家者流張太尉開藩忠夫與有

功達實丞相奏除前職及太尉稱吳王累犯顏諫止
不聽且攀援淮省叅政遂杜門謝病以卒

太尉稱王號郎中謝病軀孤猿霜月淚羣雁稻梁圖初
志宗周鼎餘生待蜀鏤全歸至正末足愧楚鉗徒

題余廷心叅政為霍丘博古山尊師撰遇仙觀記
蓼西琳館闢淮省大叅銘地泄烟霞氣山潛木石靈荒
茅無盡白汗簡有餘青黃髮吳陵叟癯然鶴姓丁

邵彥文臺掾使吳藩承過旅次問所擬河清頌稿

欲歸呈大夫晉

一作普

公時予病不果錄姑詩以謝

一騎南臺使知予頌陸沈欲塵天子目少露野人心茅

屋秋從破雲山日向深裁詩謝高義所願紫團參

彥文善醫

謝周侍御伯溫書跋二十三年所擬河清頌

近者山人作新承侍御書分甘終草野辭敢達椒除晉
帖唐臨盡秦碑漢校餘時應對朝日光動壁中魚

題長春道院許玄逸所藏桂風子與朱貞一真人詩

後

仙人桂風子勇別上清君晞髮三神日巢松五老雲挑

椎今問訊奎閣舊論文

謂虞文靖

遊幔峰青疊蓬頭並鶴羣

謂金尊師

題朱翬遠鳳山丹房圖相子先所畫

子先中國士棋罷畫雲間

一作白雲間

黑榦蜿蜒水青分鸞

鷺山客捫蘿爲人童採木芝還覽卷神爲往鮮飈洒珮

環

送崔則明同僉之紹興總管

風氣通藩郡朝儀聳柏臺溪山當鏡入鼓角自天來凋
弊嗟多故承宣屬大才春明貴早省先雪剡梅開

題南翔寺僧瑣宗璞西房

重過梁朝寺詩僧失瘦權閉門雙樹月煮藥半牆烟流
落驚人語消搖出世緣自今可無憾名賴老夫傳

柯博士臨文湖州墨竹為頓悟寺堅席石上人題
官罷奎章閣竹臨文使君似將湘女淚痛洒鼎湖雲雉
扇梢堪把鸞笙葉忍聞山僧置岩塢佳氣若綢緇

贈董仲仁府判

府判身強健銀魚映故貂低頭居矮屋扶杖說中朝夜
鵲南枝冷春鴻北路遙好同商皓隱莫赴子房招

至正丙午三月廿八日自橫泖遷居烏涇宋張驥
院故居有林塘竹石因扁堂曰儉德園曰最閒得
詩凡六首

卜宅賓賢里生涯始有涯憂緣常念亂貧為數移家徑
合交枝果簾當獨樹花池臺幾峰石相友卧烟霞

平生一丘壑，令住小林泉。
樹古走藤蔓，沙虛行竹鞭。
紅蛛網石罅，白燕下琴邊。
不有故山憶，溪南買祭田。

鄰曲敦新好，園林恍昔遊。
衣冠時徑入，棋槩夜忘收。
已遂萼羹興，何煩杞國憂。
人生貴行樂，兩鬢颯先秋。

池深雛鳳穴，地浸小龍泓。
白石垂綸影，蒼苔拄杖聲。
人心常淡泊，風物自虛清。
多却詩千首，無由避隱名。

丘園宜養病，薄暮一徘徊。
倦蝶投烟草，潛魚樂水苔。
尊中天影落，階上月明來。
家政傳兒子，惟須藥籠材。

無才甘在野多懶愜行園石露溥雲氣池風損水痕
州深眠雉子林靜習鴉孫擬著幽居錄漁樵共討論

過廣浦林洪聰上人承示湖廣郎中余闕書撰
舊主滌河化城禪寺碑記淮西憲僉王士點篆
額為題左方

舒州余柱國百戰死酬君天地留元氣山林被慶雲
世無哀九辨吾及頌斯文僉憲俱陳跡爐香為一焚

奉題車玉峰先生世運錄後

有序

車氏世居永嘉由唐末徙黃巖始盛大一家師友作

學淵源實肇敬齋先生敬齋曾孫隘軒有五經論平

居錄隘軒孫是為玉峰諱若水字清臣賈似道再作

三聘入史館辭不受夙承父某春秋學復師杜清獻

公範清獻學于從父南湖公

諱聘字良仲

南湖學于朱子

玉峯巍然諸先輩後所著述曰宇宙略紀曰世運錄

清獻嘗序之曰重證大學章句則魯齋王先生為沿

華論以實之曰得車君書言致知格物傳未嘗亡也

自知止而後有定以下合聽訟一章儼然為格物一
傳使朱子聞之當莞爾一笑云玉峰孫浚浚之子程咸
與予交因示世運錄讀之大有裨于通鑒綱目然未
板行于時慨嘆不足姑叙世系大略于左并頌以詩
曰

有宋車先德生成道學資義辭丞相聘經證大賢遺
泮水涵魚藻高岡老鳳枝再觀世運錄仰企不勝思

游漕湖遂過鵝蕩登梁鴻山北望感時懷歸二首

家寄寬閒野身逢大有年羣龍西北極斗酒水雲天二
老歸來晚狂奴故態賢殊悲鸚鵡賦重讀馬蹄篇
捨擢舒高目鄉山落穀中因聞吳賜劍懶問楚亡弓殘
日羣鴉路危城一鶴籠何時復舊業牛女對疎桐

陳子章出示吳藩馬叅政誅文因哭以詩

諱玉麟
海陵人

道義雙金重風神片璧輝榮親華皖簪迎客倒顛衣百
戰城頭破全軀地下歸論詩憶傾耳香閣漏聲微

掖還鄉

冢子還鄉籍予心獲少安亂離為客倦衰病過家難霜
月關苦河水獺影寒發春忻在望薦祖五辛盤

夢靳公信州利安

有後序
諱仁

昨夢過朱輪衣冠儼主賓清齋三月守厚德八鄉民山

鎮一作鎖

薔薇洞天低杜宇津論心復道舊分首悅超塵

公由中書通事出長道州幕陞江西省檢校遷知諸
暨考最代浙相版授江陰尹三月復授理問其年徽
人迫江陰境舉家合仲季弟百餘口倉皇無依予為

覓舟挈避蘇既浙東帥觀孫復州城而公奉相檄撫
綏軍庶時東八鄉巨室細民多脇從者帥請加兵公
從子師于予又感予義因問八鄉故予曰民非樂亂
以失父母耳父母寄舊在公令公來不其子乎帥惟
公命其有不矜宥乎遂具語帥止之轉同知常州道
憫牾齒亟移文掩焉及任左丞和獎公諳大體公
曰草文則布衣王某也逢因受左丞知尋辭歸公亦
退隱杭致仕信州總管卒平生清儉詳恕所至布善

政云

題宋丞相董公致仕誥後

有後序

兵籌閒葛亮經術老章賢正氣風霆協清名斗嶽懸墓
無金下殉家有誥今傳載拜書遺蹟英靈儼在前

公嘗帥潭凡民居火例以軍救已則有賞軍往往俟
火烈覲徵厚賞一夕火公至立皂纛下令曰火到聚
星門先斬蘇統制軍遂力救以息壽七十九薨諡文
清葬當塗石城山元僧總統嘉禾揚喇勒智發公墓一無

所殉嘉歎掩如初公配張累贈衛國夫人生叔度知
婺州生雋壽古田縣丞生祥發廕承務郎徙居松省
憲交薦辭或問故曰世祿宋忍他食耶生天麒麟
生士方咸隱居教授士方會予朱生弦家既示誥且
語公逸事及家乘願有述予以公勲業筆諸史矣而
誥有云伊洛之書盛行獨以身而體臨華涓之事雖
遠常望古而慨慷孔明如秤之心居然服衆儀休拔
葵之操端可矯貧併撫附云

得免掖書時戊申歲

是年為洪武元年

客夢躬畊隴免書報過家月明山怨鶴天黑道橫蛇寶氣空遺水春程不見花衰容愧耆舊猶語玉人車

李東陽謂此詩幾于悖謬亦各行其志也視迎降恐後者畢竟何如

饒士程式以謙山長卒其友趙謨捐地葬之予哭以詩

憶過桃花塢言隨伯雅深欲披弘演腹為納比干心世

守祠先禮時傾待客金龍江墓草碧還倚望鄉襟

憶朱芹湖

有序

公諱顯忠字彥良如臯之芹湖人昆弟五同居協雍
公身長七尺負氣謹行太尉開藩掄公分帥曹涇三
考義兵長多素封家罔敢餌以利有孝女盜樵鹵毛
兵執獻既知為母病用市藥即慰釋之陳徐二偷

作儉

人潛掠商貨杖而徙其鄉前進士楊維禎寔且老歲
周祿米他物稱是予嘗客隱吳下每過聽言論無倦

色及戌曹遣千戶史岳邏徼就饋問予再躬往餉焉
席上徐謂曰竊審子製作率節義事私錢四萬敬為壽
梓助予辭文不稱事公曰事非文不傳幸毋讓令節
義事盛行公之力半焉公令歿矣姑憶八句非簡公
也示不以恩于已而繫于辭云

樓櫓海天垂彫弓韞虎皮錦鮮清暑宴白馬上春旗人
感官刑弛塗歌盜跡移壽文錢四萬時往致予思

寄任子良府判兼簡元樸鎮撫伯溫都事伯璋縣

丞

龍江羣玉樹曾不外葭莩抱病去年獨全生兩地俱巢
頻移社燕味弗改秋鱸擬過還鄉揖童孫從紫襦

夢左丞呂公仲實乙亥歲以浙憲僉按江陰予拜
識焉

漢盛登安國唐衰擯九齡人間猶望雨天上忽騎星故
郡瞻風采端居接爽靈孤松倚喬嶽想像比柯青

贈瑪嚕教授有序

瑪魯字兼善西域人元初祖哈扎爾仕江南遂家上虞
父額布勒津力資兼善學以禮經領至正壬寅鄉貢
浙省臣以北向道梗權授尹和靖書院山長既航海
赴會試後期不果禮部尚書李公尚綱特言之朝勅
授嘉興儒學教授及還會政屬淮閫屏居幽遐且十
餘年曲奉二親甚至令春訪予最閒園風雨花落離
索滿目觀其志尚孤卓殆忘世之游變身之益貧也
乃酌之酒贈之詩云

顓昂西域士鄉薦十年前隴畝心中越山河枕上燕尊
同漂梗地門掃落花天慕殺柴桑老詩題甲子編

哭門生朱文禮有序

文禮字彥則徽州目齋公之曾孫也父道存長江陰
幕首延予西第禮於兄弟間風裁清邁言往往如老
成會紅巾亂舉家還上海居無何上海陷既苗帥復
地大掠祖妣縣君與母氏諸父季弟相枕兵死禮同
兄被擄得不值醢以逃重見父于中吳而父復旅死

兄弟相弔人多念者不幸禮又短命死哀哉前是上海巨姓有女許倩其弟弟歿欲遂倩禮重賂媒善說之且遣家僮盛致儀物器玩禮一無動心並謝曰昔者孔圉以姑繼妻太叔疾之弟唐太宗玄宗率納弟妃數倫遺臭莫甚焉禮奉教于君子稔矣奚忍為此議乃寢嗚呼使禮生唐初時膺爵位建法令則凡在覆燾之中其肯聽依末俗婚醮臨大有為之君子不義乎翹楚秀莒風雨奄瘁天其為哉禮素性孝友多可

稱者予因錄其尤哭之詩云

春日果投車秋風茅捲廬不為穰雜行曾讀世遺書
關度鷄鳴早鄉還鶴唳餘黃泉二親見悲感謂何如

同前進士鐵公毅張林泉夜宿朱良佐梅雪齋

香動暮寒輕牕含月迴明寸心游太素萬物讓雙清
半樹苔偏濕中庭鶴不驚孤山剡溪興異代一時并

莫月鼎法師道行錄為海虞山致道觀周元初題

有
序

法師吳興人宋莫公提刑之後也諱起炎字月鼎生
寶慶丙戌儀觀魁梧神情爽拔幼習舉子業嘗三試弗
利遂究心玄學放浪江湖間縱酒任狂往往作字類
霞儻雲倪靈異惚恍使人莫測其所為寶祐戊午秋
紹興旱馬守裕齋迎禱雨雨大澍理宗三十五代觀
妙天師咸贈言有元至元戊子世皇徵如上京祈雪
驗輒止師陞陳曰天氣中和萬彙順暢不宜抑也上
悅賜上尊命典其教固辭歸吳癸巳冬微疾弟子王

繼華奉湯藥殊謹因輟曰明年正月二十六日非爾
所能療也至日浴更衣書辭世一章問繼華何時殮
曰棺衾已具端坐曰當俟五事備既逝夜三鼓天洶
洶雲風雷雨電俱時未驚蟄繼華愕然悟乃斂葬長
洲陳公鄉元世皇三十一年也始師抵青城山丈人
觀禮徐無極及閻建昌鄒一作鄒鍊壁得王侍宸道妙
即往備僮役鄒病且革欲厚遣師泣以實告特授張
星一符訣自是行四十年如響影予惟師能雪夏雨

曠者其術也憤世托狂遠蹈之操則君子有取焉序
而詩曰

南北動君王風霆雨雪將金花牋寵錦紫柘盤封黃叔
世儒無效先天道大光何當閔焦涸陰殛幾桑羊

題元故叅政張公畫像

有序

公諱文虎字山雲江西叅政瑄仲子也生而魁壘面
如滿月善左右射至元十三年賊橫海侍瑄擊獲之
賊黨立季父背將緩縛覆害公覺拔刀斫賊踵仆一

軍震驚十五年南征遂以勞授忠顯校尉管軍總把
佩銀符明年征日本十九年宣力海道二十一年遷
武畧將軍管軍千戶佩金符督餉輸京師丞相引見
上嘉歎公異吳產詔去帽手撫公顙曰真吾國臣二
十二年敗婺州揚老生二十四年鎮南王托歡征交
趾陞定武將軍交趾海船萬戶佩虎符轉粟從至松
柏灣遇賊逆戰擊敗之既暑疫王議罷兵以後躡懼
公屯巨艦于隘口約戰賊不能悟竟全師還二十五

年超懷遠大將軍慶元總管兼領海船萬戶佩三珠
虎符民庶乂安二十八年擢嘉議大夫行戶部尚書
海漕都漕運府事開便道有功二十九年拜中奉大
夫湖廣叅政賜翎甲兜鍪弓矢刀劍將兵復征交趾
成宗即位徵還大德三年冬移京畿漕運使尋改浙
江叅政五年領江淮財賦都總管七年家覆臨刑色
不變有白氣上千識者寃之公性尤孝友太夫人疾
侍藥不出戶限者三月與宋處士陳雲岩為布衣交敬

不少哀平章高霸都素壯公間公死太息曰水無張
朱陸無劉二霸都則我亦死矣因哭喪明延祐二年
姪天麟護喪歸葬妻夫人高氏祝髮守志逢獲交公
從孫守中式瞻畫像既題以詩且為序勲行如左云
目電氣凌虹烏號左右弓家財金谷夢餉道鄴侯功畫
像高堂上皇圖落照中女孫守韋訓喬木耐飄風

朱秦仲僉樞趙仲德水軍婁江舟中夜宴席上二
首

大幕分開閫三邊罷枕戈春寒留水國天影落銀河年
少孫征虜威名馬伏波樓船恨淹泊清話及陰一作夜如何
澤腹解春冰方舟靜宴朋大魚跳白月馴鷺狎華燈漢
有鴻門會齊多狗盜能清風滿揮麈不計酒如澠

讀俞建德詩稿

有序附後

白苧紛吳語芳蘭歇楚聲斯文天未喪諸老氣猶生烟
火孤村僻江山故國橫誰甘草同腐杯酒污脩名

公鎮名伯貞字崇德人登鄉貢進士第累遷建德路

建德縣尹卒其所遺詩稿凡百餘篇予盡讀之得文

學行義尤著者八人其一曰礪峯曾

一作曹

先生江西

人負碩學當宋末屏居講授士多歸之有春秋凡例

大學演正藏于家其二曰顧辰伯嘉禾人為國子生

時淮荆多虞閩府檄屢辟卒隱德終其三曰忠惠蔡

公襄六世孫伯可師劉

一有後字

襲父廕官為郎既歸附

即不仕其四曰禮部尚書衛公上達五世孫謙號山

齋松江人明易元初忠武王版授溫州路治中亦堅

辭其五曰徐成仲善詩建德巨族昆弟九人同井饗
歲饑輒捐廩賑之鄰火延燎若干戶伐山木代繕完
以居朝廷榜其門曰義門其六曰張彬之茅山人素
泊於利一毫不競里有兵難冒鋒刃救止焉其七曰
楊州蔡應祥事二親盡禮二親歿刻木肖像祀益謹
其八曰歛女張適同郡汪三桂甫五旬而汪蚤世張
誓守節孝奉舅姑嗣同姓子逢辰為後詔表其閭於
乎采詩觀風之政並廢久矣而職太史者又多缺遺

教弗復興俗益大壞間有才德節義或見於野史又
不必傳將來卒同漸滅草腐於乎天高地遠一作瞻還
望無及變遷離索吾誰與歸也

按先生泰離之感慷慨激昂往往見諸篇什而於忠
孝節烈大致尤三致意焉讀此序至末幅吾尤竦然
起敬

題費長文所藏徽廟暮雪寒鴉

寒鳥立枯槎
翮斂深喙舌
似顧夷門雲
却帶燕山雪

梅

一作楊

東隱居士寄跡南山道院以其高志因美

二首

飽更世故勇投閒自補仙曹洞府班
赤汗黃塵猛火下翠瓜紅酒石林間

滿山怪石卧羊羣一水寒沙浸竹雲
仙鶴似知新有主天風零亂羽衣裊

題龔行可逃荒別後

有序

丁未大侵殍殣蔽塹當斯時雖抱道之君子礪志之

丈夫靡有不困厄者若予里胡氏婦舉室危亡之際
情有可矜者因紀以詩曰妾身雪中竹雪虐竹自持
妾心水中石水流石不移自與郎合卺恩愛靡少衰
賓闕誓偕老豈料遭年饑山田無稻採土銚斷烟炊
索飯兒啼號垂白姑尫羸不見東家伯逆子獸獍為
不見西舍叔尸蟲潰牀帷地赤草木殫云胡弗思惟
五口相枕餓一口寧生離一口不生離五口死有期
孰若鬻妾身倉卒乃得資得資糴官米可救姑兒飢

董永尚自賣郭巨亦埋兒失節事極大疇昔已粗知
計出不獲已舍此將安之姑免命苟活城獲役何辭
姑健郎有恃兒長郎有依願郎篤慈孝天當相陳遺
錦鴛兩分飛各免肝腸悲妾有贖歸日鏡有重圓時
右逃荒別龔行可作也行可越人名轍有冷淡生

活詩一帙烏涇王處野藏之久逢一日與隣友王壽
櫟顧心月郭壽樗徐靜頤夏奇峰秀岩昆季過馬處
野延憩茂樹下偶出帙共覽之皆幽人逸士也後得

是詩紀胡氏婦予嘉歎曰行可庶仁者之存心也因
題二詩期與詩事並傳焉

困厄凶荒古有之
詘身殉養婦堪悲
將心若置良人腹
坤道乾綱兩不虧

奉粥黥教絕後塵
開倉汲黯愧令臣
天王旰食朝元閣
不道佳人自鬻身

簡烏涇重陽道院儲無極鍊師

風落天高夜氣分
神遊為謁紀星君
酒材藥料凡三品

付與山人老卧雲

王處士袖四六啓謝製壽藏序銘因出示靜習稿

為題絕句

序銘後附

露盥薔薇細細披朱弦疏越大音遺不同司馬論封禪
尚少柴桑儼祭辭

處士上海人名泳字季深姓王氏宋進士日輝之曾
孫元故鎮江儒學教授遷衡山主簿鏞之子也性愛
易自號靜習或問靜何習輒對曰習不由靜未曾學

也先是衡山君卒遺命以庶弟奉其生母處士悲界
舊田宅而所居地僅數弓廬十尺冬夏一裘葛日蔬
飯晏如也配沈丹徒尹烈孫女生一女適邑儒吳某
一子上殤門生劉纘冠履昆季為置龍華之原營壽
藏處士角巾藜杖消搖青松間而歌曰蠶何物兮繭
是室兮吾其願畢兮抑亦二三子之力兮歌闋長嘯
而返謂沈曰吾死貧無以斂特汝得為黔婁妻不既
賢乎沈曰妾老尚績圖夫子暖老計妾不願賢如黔

妻之妻也聞者多之至是請予壽藏銘予以高朗令
終處士其庶幾哉銘曰生斯游死斯藏古賢達是方
雖晦也孔光

經楊節婦故居

有序

龍華雨晴劉松屋老人同野步道經一故第曰楊節
婦家也丁丑夏彗星見天下童男女訛惑皆成配時
楊年十三贅張都水子裕十五生一女十七裕早世
楊誓守節今幾五十矣昔蘇文忠有林氏媼詩請繼

後響詩曰

日度齏鹽歲系麻望中脩竹帶藜藿老人為說眉山叟

詩紀青裙笑紫花

一作紫笑

十七孀居亂幾更隔溪聞得紡車聲却思臣妾書降表
不獨南朝謝道清

題張守中所藏祖父洎母陳夫人三器圖銘烏涇
楊士中詩後附

守道非難守器難圖銘復遣子孫看銅仙滴盡劉郎淚

一夜秋風折露盤

一目圖銘意也消孝承先世自前朝衣冠不似杯棬舊
誰在羹牆復見堯

仁廟曾稱孝順孫盤盂復保後來昆杜陵文燭輝星
斗枉記田家老瓦盆

李哥

有序

哥灞州倡女年甫十二三母教之歌舞哥泣曰女
率有紅翳我獨為此乎母告以娼業不可廢哥曰

若此聰媼媼亦當從我好母陽許之自是不粉澤茹
葷所歌多仙曲道情有召者必詢客主姓名乃往人
亦預相戒無戲狎哥凝立座間酒行歌闋賜之酒不飲
灞州判官嘗忤哥逕還誓不與見孟津縣監賂哥母
夜抵舍哥懷利刃閉卧內罵監曰汝職風化首而狗
彘行不去血污吾刃監慚去明日知州事者聞之歎
曰州有貞女不知吾失也吾次子明經舉秀才直若
配也以禮聘娶之未幾紅巾入寇夫婦被執以哥美

將殺其夫哥前抱夫項大呼曰吾斷不從汝求活寇
并殺之河南理幕沈易云

蟬蛻汙塵配鳳難亂中同死義尤安灞津落盡垂楊葉
月魄清游奈薄寒

女長倡優解愛身士遭離亂合安貧父蕭荆棘蘭叅伍
畢竟幽香獨占春

題讀碑圖

銅臺花柳暖雲迷天塹雲山白浪齊若也孝娥碑果讀

終身無愧漢征西

寄題日本國飛梅

有引

國相管北野者剛正有為庭有紅梅雅好之一日被
誣謫宰府未幾梅夜飛至北野卒死謫所國人立祠
梅側僧進得中云

瘴日雲霾不放歸精神解感禹梁飛水香霞艷渾無恙
瘦比累臣帶減圍

陳生尚秋容軒中醉題芙蓉便面

露莖月朶玉河干莫作仙人掌上看三十三天秋似洗
通明前殿薄生寒

白塔行

有後引

塔成始刺天塔壞漸平地一曲冬青花江山肅秋思

冬青花不堪折南風吹涼積香雪搖搖華蓋萬年枝
上有鳳巢下龍穴羊兒年犬兒月霹靂一聲天地裂
右雷門唐珏玉潛先生感雷震白塔而作也始宋諸
陵被總統楊璉真伽遷置故內鎮以白塔先生嘗與

尚書省架閣林景熙躬拾不盡遺骨別葬山中植冬
青為識既先生遇寒食則密祭之一夕夢黃袍者數
人率一嬰兒狀玉雪指示曰以此報掩埋之德先生
後得子因名珙今字溫如豪于詩至正己亥予遊錢
唐會平章張士信壞塔甃城


人知恨楊璉真伽不知恨士信楊猶造塔張乃

忍壞塔耶

且聞松江僧慶講主道宣傳誦是詩宣幼從珙

學有請乃為賦白塔行并系前後事歸之宣云

先生極惋惜張楚公而不諱其弟之惡尤見公道



梧溪集卷四